

bosansko-hercegovački magazin

Europa

DECEMBAR 2015

Pod zastavom zla

Intervju Brus Hofman: Niko ne želi da pošalje kopnene trupe protiv ISIS

Dvadeset godina Dejtona:

Šta je donio nesavršeni mir?

U OVOM BROJU POKLON KALENDAR ZA 2016. GODINU!



ADVOKATSKA KANCELARIJA

Aleksandra H. Bronsted, PC

Attorney at Law



Aleksandra H. Bronsted

Osobne ozljede zadobivene:

Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice

6065 Lake Forrest Dr.
Suite 200
Atlanta, GA 30328



Porodično pravo/Divorce

Krivično pravo/Criminal Law

D.U.I

Phone: (770) 451-3818 • Fax: (770) 451-3922

Prvi advokat u Atlanti sa kojim možete razgovarati na Vašem jeziku!

U ovom broju:

4 Kolumna

Pod zastavom zla

6 Bosna i Hercegovina

Dvadeset godina Dejtona: Šta je donio

nesavršeni mir?

18 Intervju

Brus Hofman: Niko ne želi da pošalje

kopnene trupe protiv ISIS

30 Društvo

Za nekoga Kant, za nekoga Platon, a

on je bio Akhisari el-Bosnevi

32 Nauka

34 Automobili

36 Muzika

38 Sport

40 Film

44 Zabava

46 Oglasi

PROUD MEMBER

Gwinnett Chamber 

DECEMBAR 2015

*Sretnu i uspješnu Novu 2016.
Vam želi ekipa Europa Magazina!*



*Svim čitaocima katoličke vjeroispovijesti
želimo sretan i čestit Božić*



FASTV-kanal# 20

NETTV-kanal# 28

BOSNATV-kanal# 26

Europa Magazine je partner Hayat TV-a za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayat PLUS. Kontaktirajte nas putem telefona 678 743 5731 ili mailom na redakcija@europamagazine.info. Uvjerite se i sami da je reklamiranje na televiziji pristupačnije nego što mislite!



tel.: + 387 33 580 900

fax: + 387 33 580 909

prodaja@hayat.ba

www.hayat.ba

Pod zastavom zla

Vidim kako je i na nekim bosanskohercegovačkim Internet portalima zapažena slika navijača istanbulskog Galatasaraja kako – na gostovanju u Madridu – nose veliku parolu “Muslimani nisu teroristi”. Slika izaziva topla osjećanja u muslimanskoj javnosti: evo, najzad, nekoga ko se suprotstavlja sve raširenijoj islamofobiji i satanizaciji muslimana. Nije važno što je parola – kao i sva pojednostavljivanja – suštinski dvostruko pogrešna. Prvo: bila bi tačna da kaže “nisu svi muslimani teroristi”. A drugo: netačna je jer po broju, organizaciji, ideologiji i stravičnim zločjelima ogromna većina terorista u našem vremenu jesu muslimani.

Slika turskih navijača s parolom u Istanbulu samo je nevinna i površna refleksija smišljene – pa zato i opasne – kampanje u islamistički orijentisanoj intelektualnoj javnosti da se i ova najnovija eskalacija islamskog terorizma objašnjava nepravdama kojima su izloženi muslimani u svijetu. Žurba da se u međunarodnom odgovoru na zločjela samozvanih ratnika džihada kao što su napadi na Njujork i Vašington 2001, pa napadi u Madridu i Londonu i dva ovogodišnja u Parizu, i prije iskrene i безусловne osude tih zločjela vide i osuđuju namjere “uništavanja islamske civilizacije” praktično potiče na razumijevanje ako ne i solidarnost s pokretima i opskurnim vođama odgovornim za pokolje i progone, uništavanje

viševjekovne islamske baštine i prirodnih bogatstava, otmice i ozakonjeno nasilje nad ženama, uzimanje i barbarsko ubijanje talaca uključujući odsijecanje glave ili spaljivanje u kavezu.

Bilo kakvo intelektualno “ali” pred širenjem tog zla, čiji nosioci ubijaju i umiru pozivajući se na vjeru i Boga, relativizira zločjela i dovodi naročito mlade muslimane na marginama zapadnih društava u iskušenje da podržavaju ili se čak pridružuju “braći” pod zastavom “Islamske države”.

Uslovna osuda islamističkih zločjela – kao: islam je religija mira, oni ne ubijaju u naše ime, mi nemamo ništa s tim ni razloga da se pravdamo, to što rade jeste zlo ali šta s Palestinom, Irakom, Afganistanom, Libijom, Sirijom ... - ostavila je i dobar dio mladih u Bosni i Hercegovini izložene opasnosti da se u nezaposlenosti i pod osjećajem besperspektivnosti solidarišu s nosiocima ekstremnih tumačenja uloge islama u savremenom svijetu.

To se najočitije, pa čak i globalno, manifestovalo u seriji ispada bosanskohercegovačkih navijača kao što je učešće u ritualnom gaženju izraelske zastave s povcima “ubij, ubij Židova” u Beču; zviždanje izraelskoj himni i najnovije narušavanje minuta šutnje za žrtve terorističkih napada u Parizu na stadionu u Dablinu uzvicima „Palestina; Palestina“. Taj incident,



čak i ako se radilo tek o nekolicini navijača, predstavlja civilizacijsku zapuštenost i čudovišnu bezosjećajnost za građane Pariza pokošene mržnjom u potrazi petkom uveče za načinom da se opušteno dočeka kraj radne nedjelje (na fudbalskoj utakmici, na rok-koncertu, u pariskim restoranima) i među svima koji žele dobro Bosni i Hercegovini ostavlja okus odvratnosti pri pomisli da bilo ko među nama može i pomišljati na bilo kakav kontekst – uključujući i palestinsku patnju – koji bi nekakako objašnjavao ili opravdavao masakr nedužnih u evropskoj prijestonici.

Osim toga, čak i kad se mogu opravdano postavljati pitanja opravdanosti i tragičnog ishoda nekih od zapadnih intervencija u islamskom svijetu, pomisao kako bi "Islamska država" i drugi islamski ekstremni pokreti mogli na bilo koji način pomoći u rješavanju palestinskog ili bilo kod drugog pitanja muslimanskog svijeta potpuno je neosnovana. Već sada je očito da je nakon masakra u Parizu samo ojačala – a nimalo pokolebana – riješenost u najmoćnijim svjetskim prijestonicama da se iskorijeni militantni islamizam: pojačana su bombardovanja uporišta "Islamske države" s neminovnim tragičnim posljedicama i za nejač na tim područjima i uveliko se pripremaju i druge vojne opcije. Osim toga – napadi u Parizu najviše će pogoditi najranjivije među muslimanima: izbjeglice iz Sirije i drugih žarišta sukoba u islamskom svijetu. Zemlje, poput Njemačke, i najuticajniji evropski lideri, poput Angele Merkel, koji su im širom otvorili vrata sada su pod pritiskom da preispitaju ponuđeno gostoprimstvo, a umjerenе vlade i vođe u zapadnom svijetu su na udaru desničarskih snaga koje u izbjeglicama vide „potencijalne teroriste“ i na antiimigrantskim i antimuslimanskim izjavama raspaljuju mržnje i sakupljaju buduće izborne poene u javnosti zgrože-

noj razmjerama i prirodom islamskog terorizma.

Islamski ekstremisti su napadima u Parizu napravili veliki korak u pomicanju svijeta prema apokaliptičnoj perspektivi „sukoba civilizacija“. Oni su, za početak, uspjeli da potaknu globalna antimuslimanska osjećanja u kojima na žalost ostaju neprimijećeni i primjeri ljudskog odbijanja da se zlodjela ekstremista pripisuju svim muslimanima. The Washington Post je ovih dana zabilježio takav primjer u Fredericksburgu u Virdžiniji – sat vožnje južno od Washingtona – gdje su lokalni eskremisti povicama „svi ste vi teroristi“ i „nećemo vas ovdje“ prekinuli sastanak o izgradnji novog i većeg islamskog centra u tom gradiću. Sutra ujutru je u lokalnu džamiju došao Jevrej sedamdesetih godina i donio koverat s vlastitim prilogom za izgradnju islamskog centra rekavši: „Hoću da znate da nisu svi vaši susjedi nacisti“.

Piše: Kemal Kurspahić

LERO TRAVEL
Phone 404-660-0910
Enver Šejtanić



1405 Wheatfield Drive
 Lawrenceville, GA 30043

enver@lerotravel.com
 Save money Book online
www.lerotravel.com

BESPLATNE KONSULTACIJE I APLIKACIJE ZA OBAMACARE



- ☒ Predstavljamo brojne osiguravajuće kompanije
- ☒ Nudimo različite, povoljne polise i pokrivača
- ☒ Veliki popusti: auto+kuća, dobri vozači, dobri studenti
- ☒ Besplatne konsultacije i pomoć pri odabiru prave polise
- ☒ NAZOVITE ILI ZAKAŽITE TERMIN DANAS!

INSURANCE: AUTO – HOME – HEALTH – LIFE – COMMERCIAL



1685 Old Norcross Rd, 900B
 Lawrenceville, GA 30046
 TEL: 770-277-3830
 FAX: 770-277-3840



HIRING NEW AGENT

Dvadeset godina Dejtona: Šta je donio nesavršeni mir?

Nakon tronedjeljnih pregovora, 21. novembra 1995. godine Dejtonskim mirovnim sporazumom zaustavljen je gotovo četvorogodišnji rat u Bosni i Hercegovini. Opšti okvirni sporazum za mir svečano je potpisan u Parizu, nekoliko sedmice kasnije - 14. decembra.

Hiljadama kilometara daleko od BiH, u gradiću Dejton (Dayton) u američkoj saveznoj državi Ohajo, tadašnji državni sekretar SAD-a Warren Christopher, je objavio:

“Poslije tri nedjelje aktivnih pregovora, lideri Bosne i Hercegovine, Srbije i Hrvatske su se složili da okončaju rat u bivšoj Jugoslaviji. Važno je da shvatimo da je ovo početak mira.”

Sporazum su potpisali tadašnji predsjedavajući Predsjedništva BiH Alija Izetbegović, predsjednik Srbije, Slobodan Milošević i Hrvatske, Franjo Tuđman, koji su potom izjavili:

Izetbegović: “U situaciji kakva jeste i u svijetu kakav jeste, bolji mir nije mogao biti postignut. Bog je naš svjedok da smo učinili sve u našoj moći da smanjimo nepravdu za našu zemlju i naš narod. Hvala vam.”

Tuđman: “Dramatični karakter ovih pregovora simbo-

lizira teškoće, sasvim sigurno, najteže krize koja je pogodila Europu nakon Drugog svjetskog rata.”

Milošević: “Rešenja postignuta ovde uključuju i bolne koncesije na svim stranama. Međutim, bez takvih koncesija i ustupaka bilo bi nemoguće uspeti.”

Praktično, mir je građanima Bosne i Hercegovine objavio, u ulozi prevodioca, Darko Močibob.

“Bilo je neizvjesno do zadnjeg trenutka kada će tačno sporazum biti parafiran u Dejtonu. Bilo je očito mnogo problema i lideri, svaki iz svoje perspektive, označili su da je ratu zaista došao do kraja”, prisjeća se Močibob.

Međutim, i neki kreatori Mirovnog sporazuma su se pokajali, naprimjer, Richard Holbrooke - glavni američki pregovarač i jedan od kreatora Dejtonskog sporazuma.

“Žalim zbog imena Republika Srpska. Žalim što su stvarane tri armije i dvije policije. Centralna vlada je suviše slaba. I na kraju, velika greška je postojanje tri predsjednika”, rekao je Holbrooke.

Miro Lazović je bio dio bh. delegacije na pregovorima.

“Sam naziv mirovnog sporazuma govori da je on ogra-



ničenog karaktera i on je 1995. godine napravljen sa tendencijom da zaustavi rat. I to je uspio, ali je Bosnu i Hercegovinu svih ovih godina zamrznuo u jednom političkom konfliktu", tvrdi Lazović.

Mir je postignut i to je bilo te 1995. godine najvažnije.

"Mir, neki će reći nedovršeni, neki će reći nepravedni, ali mir je postignut. I to je bilo vrlo teško i složeno. Niz inicijativa koje su krenule od 1992. uvijek su se završavale neuspješno, dok SAD nisu promijenile strategiju. Činjenica je da su Amerikanci, primjenjujući različite strategije, uspjeli da dođe do Dejtonskog mirovnog ugovora", naglašava historičar, Zijad Šehić.

Mirovni sporazum punoljetstvo dočekuje u procjepu između zaklinjanja u slovo "Dejtona" u Republici Srpskoj i zahtjeva za njegovom revizijom u Federaciji BiH. Stoga je dan potpisivanja Mirovnog sporazuma u RS praznik, dok to u Federaciji nije.

Učesnik pregovora je bio i Mate Granić, tadašnji ministar vanjskih poslova Hrvatske.

"Odmah su su nam kazali da postoje dvije stvari o kojima se ne može razgovarati - da će se nova dejtonska Bosna i Hercegovina sastojati od dva entiteta i tri konstitutivna naroda i da će razgraničenje biti 51:49 posto, iako je Federacija BiH u tom trenutku držala oko 58 posto teritorija. Drugo - najčešće je to bila 'shuttle diplomacija', i da je Richard Holbrooke, ponekad uz pomoć državnog tajnika Christopheram najčešće razgovarao sa pojedinim delegacijama", ističe Granić. Dejtonskim mirovnim sporazumom, Bosna i Hercegovina je podijeljena na dva entiteta. Federaciji Bosne i Hercegovine pripalo je 51, a Republici Srpskoj 49 posto teritorije. Formiran je i Dis-

trikt Brčko, kao posebna teritorijalna jedinica.

Međuentitetska linija razgraničenja je povučena prema unaprijed postignutim dogovorima, kako svjedoči Vladimir Lukić, učesnik mirovnih pregovora u Dejtonu.

"Mi smo u Dejton otišli sa već pripremljenim prijedlogom Kontakt grupe (Velika Britanija, Francuska, Njemačka, Rusija i SAD, op.a.) o tome koliko će teritorije pripasti kojem entitetu. I pored toga, svako je želio da obezbijedi svoje ratne ciljeve. Prema tome, sve te karte koje su se pojavljivale ranije, išle su u tom pravcu da se dobije ono što se željelo. Ali, želje su ostale po strani i dogovori su postignuti mnogo ranije", navodi Lukić.

Bosna i Hercegovina je poslije Dejtonskog sporazuma doživjela ogromne demografsko-strukturne promjene, naglašava Jusuf Žiga, profesor na Univerzitetu u Sarajevu.

"Na bazi nekih ratnih osvajanja i posvajanja teritorija, samo za ovaj ili onaj narod, činilo se - a i danas se čini - da se onaj prostor koji nije ni za koga kaparisan, što prije ogradi i da ljudi odu i pored toga što su se uspjeli vratiti. I bojim se, nemoguće je braniti neka rješenja koja čak spadaju u kategoriju aparthejda, a u Dejtonu su instalirana", kaže Žiga.

Granica između dva sarajevska naselja Dobrinja I i Dobrinja IV, koja je dijelila stanove, porodice i dvorišta, korigovana je zahvaljujući međunarodnoj arbitraži. Korekciju očekuju i stanovnici naselja Makljenovac, u blizini Doboja, koje je podijeljeno tako što jedan dio pripada Federaciji BiH a drugi RS.

Ljudske sudbine kojima je kumovao Dejtonski sporazum, daleko su od politike i zaključaka brojnih konferencija što se održavaju u povodu dvije decenije od kako je mirna Bosna, ali



Sabina Mortgage, Inc.

Mi kreiramo zajmove prema Vašim potrebama

703-537-5426

Nudimo čitav spektar programa koji uključuju:

COMMERCIAL LOANS – ZA KUĆE ZA RENTANJE

MULTI-FAMILY, MIXED USE, OFFICE, RETAIL

WEARHOUSE, STORAGE, AUTO SERVICE

RESIDENTIAL LOANS IN VIRGINIA KOJI UKLJUČUJU: CONVENTIONAL, FHA, VA, JUMBO, NO-MI-LOANS

MINIMALNA DOCUMENTACIJA NA COMMERCIAL LOANS I VEOMA ATRAKTIVNE KAMATE!

Sabina Mortgage, Inc. Licensed in Virginia - NMLS #499850

2984 Trousseau Lane, Oakton VA 22124

Email: sabina@sabinamortgage.com

website: www.sabinamortgage.com

i Hercegovina. Iako se radi o konferencijama u čast jubileja, i s velikim naslovima i nakon toliko godina, varnice su među političarima, umjesto dogovora.

Inače, svih ovih godina, Mirovni sporazum i ono što je donio za budućnost BiH, predmet je različitih ocjena i interpretacija. Pored brojnih, prenosimo stav univerzitetskog profesora iz Sarajeva, Envera Kazaza, koji kaže da je Dejtonski sporazum u to doba bio najprihvatljivija opcija, ali je kasnije postao prepreka napretku - rat je prešao iz vojne u političku sferu.

“To znači da je Dejtonski mir - stalno odgođeni rat. Stoga, on ne može napraviti funkcionalnu državu. On je pravna ludačka košulja za BiH, ali i neka vrsta mentalnog logora u kojem se nenormalno izdaje za apsolutno normalno i u kojem se ideologija pokušava nametnuti kao egzistencijalna istina”, smatra Kazaz.

Nefunkcionalnost, nepoštivanje ljudskih prava, suprotnost sa mnogim međunarodnim pravnim normama, samo su neke od karakteristika države BiH nastale na temeljima Mirovnog dejtonskog sporazuma iz 1995. godine.

Glomazan administrativni aparat i nejasne nadležnosti su, takođe, jedan od problema, što je uočio i Branko Crvenkovski, bivši predsjednik Makedonije.

“Imao sam prilike da se sretnem s predstavnicima vlasti na svim nivoima - države, entiteta, kantona, lokalnih zajednica. I moram priznati, a možda je problem u meni, da nikad nisam shvatio ko je za šta odgovoran”, ističe Crvenkovski.

Sporazum koji je poznat i kao Parisko-dejtonski ima ukupno 11 Aneksa, koji pokrivaju vojne, političke i civilne aspekte života, kao i regionalnu stabilizaciju. Aneks IV tog sporazuma i danas je Ustav Bosne i Hercegovine.

Do sada je bilo nekoliko pokušaja njegove izmjene, prije svega zbog diskriminacije koja je, kako ističu brojni analitičari, već zapisana u njegovom tekstu, a što je naložio i Evropski sud za ljudska prava iz Strazbura u već famoznoj presudi ‘Sejdić-Finci’.

Jakob Finci, na pitanje da li je tako teško ispraviti nepravdu i da to nije urađeno punih šest godina kaže:

“Kad se radi o pravnom pitanju, onda je rješenje jednostavno. Kad se od toga napravi političko pitanje - onda je ono komplikovano i može dobiti različite konotacije. Naša tužba i presuda Suda govori samo o jednom zahtjevu - da svi građani BiH u izbornom sistemu budu ravnopravi, da biraju i da mogu biti birani, bez obzira kojoj etničkoj grupi pripadaju i na kojoj teritoriji žive.”

Jedan od najpoznatijih, ali i najvažnijih Aneksa Dejtonskog mirovnog sporazuma, je Aneks VII koji govori o pravu na povratak. Od dva miliona onih koji su napustili svoj kućni prag, milion se vratio, a isto toliko je ostalo širom svijeta. Ipak, najveća vrijednost tog aneksa su imovinski zakoni kojim su, zahvaljujući međunarodnoj zajednici, svi koji su se prijavili na vrijeme mogli vratiti svoje kuće i stanove.

“Danas smo jedina zemlja u svijetu koja je 99,8 posto vratila imovinu i koja je, zahvaljujući donacijama, obnovila 327.000 kuća. Ali, je ostalo 140.000 neobnovljenih. Ljudi traže obeštećenje za uništenu imovinu, što je takođe garantovao Dejtonski sporazum, ali to nikada nije zaživjelo”, ocjenjuje Mirhunisa Zukić, predsjednica Unije za održivi povratak i integracije.

Dvije decenije kasnije, u Bosni i Hercegovini ne postoji zvanična verzija prevoda Dejtonskog sporazuma na jezicima



koji se govore u ovoj zemlji. Ima različitih prevoda i tumačenja, što često dovodi do iskrivljavanja pojedinih dijelova ovog dokumenta.

Međutim, analitičarka Svetlana Cenić konstatuje da bi uz zvanični prevod trebalo objaviti i originalni dokument na engleskom jeziku, kako bi se vidjelo značenje pojedinih riječi.

“Dešava se da se potcenjuje Vijeće ministara BiH, a veličaju entiteti”, navodi Cenić, te ističe:

“Kad stavljaju primedbu da Savet ministara nije Vlada nego pomoćni organ Predsedništva, i tako dalje, treba da zna da u originalu stoji ‘Government’, i ta riječ ima samo jedan prevod, a to je Vlada. I da izbijemo primedbe kad neko kaže ‘Vlada BiH’, a nije rekao ‘Savet ministara’. ‘Nije šije neg’ je vrat’, jer kao nije Vlada nego Savet ministara. I da prekinemo praksu - zaguglaj i nađi kopiju, pa tumači kako ti padne na pamet.”

Građani BiH najčešće, kad se pomene Dejtonski mirovni sporazum, kažu - važno je da ne puca, da je zaustavljeno krvoproliće. A zatim, uočavaju šta je, takođe, mogao donijeti da se dosljedno primjenjivao i u skladu s vremenom mijenjao.

Kako primjećuju i građani, privreda Bosne i Hercegovine je uništena i zemlja još nije dostigla nivo razvoja sa početka devedesetih godina. Nekadašnji veliki privredni sistemi su uništeni, radnici istjerani na ulicu.

“Ja se 20 godina pitam, šta se ovo dešava? Da se sve firme unište, čiji je to plan, čiji je mozak smislio da se veliki privredni sistemi i sve firme unište. Kakav je to plan, kakva je to operacija da se giganti u BiH uništavaju? Koji je cilj države da radnici ostaju bez posla?”, pita se Ediba Hamamdžić, bivša radnica nekadašnjeg giganta Feroelektra.

Takođe, ne mogu se pomiriti s tim da je BiH podijeljena.

“Ja i dalje doživljavam svaki dio BiH kao moj. Koliko god je oni politički dijelili, ja to ne priznajem. Meni je sve moja država, ja je volim, i volim sve narode. Kako ću nekoga mrziti? To je meni nespojivo”, iskreno će Hamamdžić.

Šta i kako dalje, može li Dejton jedan biti zamijenjen Dejtonom dva ili nekim drugim dokumentom?

Da li su bh. političari spremni, barem sada nakon toliko godina ostvariti pomjenu.

“Ako su bili sposobni prije deset godina onda su sposobni i danas. Prije deset godina oni su uradili velike stvari za ovu zemlju, ogromne stvari. Nemojte govorite da se i sada to ne može uraditi. U to ne vjerujem. Mislim da smo izgubili jednu viziju, i smatram da smo izgubili pažnju međunarodne zajednice. Te dvije stvari idu ponovo zajedno. Nema razloga zašto se to ne bi ponovo uradilo”, tvrdi Paddy Ashdown, bivši visoki predstavnik međunarodne zajednice u BiH.

Do kraja godine, u kojoj se obilježavaju dvije decenije Dejtonskog mirovnog sporazuma, BiH planira podnijeti aplikaciju za članstvo u Evropsku uniju (EU). Koliko je to izvodljivo?

“Ne možete razmišljati o stabilnoj aplikaciji za članstvo, a imati referendum u RS koji, doista, dovodi u pitanje i mnoge dejtonske postulate zemlje, i tu treba tražiti realnu sliku BiH 20 godina nakon Dejtona. Dakle, s jedne strane želja da zemlja kroči prema Briselu a, s druge strane, imate političare i politike kojim dogovara ovaj status quo. Moj je osjećaj da to ne čini zadovoljstvo većini stanovnika u BiH. Iznijet ću jedan statistički podatak - 39 posto građana smatra da BiH nikada neće ući u EU. To je, doista, veliki izazov, ali ne toliko za međunarodnu zajednicu koliko za političare u BiH”, kaže Tonino Picula, poslanik iz Hrvatske u Evropskom parlamentu.

Član Kongresa Sjedinjenih Američkih Država iz Njujorka, Eliot Engel, koji je prisustvovao Konferenciji o Dejtonskom mirovnom sporazumu u Sarajevu, iznosi ovo mišljenje:

“Želio bih da Bosna i Hercegovina bude članica EU, bez obzira na sve probleme s kojim se ona suočava. Ipak, svaki građanin EU ima pristup svakoj drugoj članici i time se smanjuju tenzije koje nameću granice. Ja sam za to da se BiH pridruži EU, uz određene uslove koje treba ispuniti. Ali, uvijek sam bio i za proširivanje NATO-a. Kad se raspao Sovjetski savez smatrao sam da je važno da se države priključe. Mislim da je NATO pogriješio kad 2008. nije prihvatio u članstvo Ukrajinu i Gruziju, bila je to greška.”

Dejtonski mirovni sporazum je i dalje povod političkim razlikama, i suprotstavljenim mišljenjima da li ga treba “raspakivati” ili ne.

Advance Dental Center
Dr. Ali Rajai, DDS
770-751-8800

We Provide:
Braces for children and adults
Dental Implants
Root Canals
Crown/Bridge
Partials/Dentures
Cosmetic/Fillings
Extractions/Wisdom Teeth Removal
Treatment of Gum Disease
No insurance? **Not a Problem!**
New Patient Adults Exam and X ray \$59.00
New Patient Under 14 Exam, X ray, and Cleaning \$99.00
Teeth Whitening New Patient \$150.00 (Take Home)
SUMMER SPECIAL FOR BRACES (MAY, JUNE, JULY, AUGUST) only \$3499.00

Most insurance accepted
6 months no interest using Care Credit

11670 Jones Bridge Rd. Suite C Johns Creek, Georgia 30005
Need help with your language?
Bosnian call Monday 9:00am-1:00pm
Russian call Friday 9:00am-6:00pm



bosna i hercegovina

REALTY PROFESSIONALS

BUYING • SELLING • LEASING
RESIDENTIAL • COMMERCIAL

ARMIN MEHMEDOVIC
(404) 512-0509
arminsellsatlanta@yahoo.com



Zaboravili smo da je BiH ekonomski opustošena

Nakon 25 godina tranzicije u Bosni i Hercegovini još nije uspostavljen koherentan i prepoznatljiv model kapitalizma, ali Reformska agenda, koja je usvojena na svim nivoima vlasti, mogla bi biti pokretač važnih promjena u državi (zbog čega je i napravljena).

Porezna politika

- Govorimo o socijalnim i ekonomskim devijacijama, velikoj nejednakosti koja prijete urušavanju društvenog, ekonomskog i političkog poretka. Reformska agenda je naravno dobra i poželjna u mnogim aspektima, međutim, ona u značajnoj mjeri ne pravi nove vrijednosne izbore koji će značajno doprinijeti umanjenu nejednakosti u bh. društvu. Ona čak ima potencijal da u prvom trenutku poveća razlike koje već postoje u društvu, da čak vidimo u prvom valu i porast nezaposlenosti zbog novog zakona o radu, kazala je Omerbegović-Arapović, te dodala kako ovaj rad govori da se moraju napraviti drastičniji zaokreti u izboru vrijednosti. Prvenstveno, analiza ukazuje na nekoliko ključnih izbora, od kojih je među važnijima i to ko plaća porez.

Trenutno je, kazala je ona, u našem društvu najviše oporezovan rad i krajnji potrošač, dok je proteklih 20 godina obilježila siva ekonomija, gdje vladavina prava nije bila na visokom nivou, moglo se steći veliko bogatstvo, a to nigdje nije registrovano.

- Poreske politike bi mogle na sistematičan način korigovati sve nepravde. Prvenstveno se radi o oporezivanju bogatstva, ali mi još ne možemo znati o kojim količinama se radi dok ne napravimo registar bogatstva. To su razvijene zemlje uspostavile upravu u trenucima kada im je velika nepravda u prošlosti prijetila urušavanjem političkog sistema, istakla je Omerbegović-Arapović.

Upravo zbog toga što reformski procesi najviše udaraju na obične građane, na najsiromašniji dio stanovništva, dodala je, neophodno je napraviti mnogo drastičnije politike i mnogo brže to uraditi. Reforma socijalne politike, smatra, mora biti mnogo brža od svih drugih, ali je dodala i kako je politika izdvajanja za nezaposlene u BiH veoma loša i ima vrlo nisku pokrivenost.

- Koliko ljudi uopšte uživa naknadu za nezaposlenost? Moramo se ugledati na Irsku, koja je dala svima minimalnu platu, bez obzira na to da li rade ili ne, pa onda pričati o drugim reformama gdje bismo mogli rekonstruirati neke sektore, uključujući socijalni sektor, tržište rada. Naša socijalna politika bazirana je na pravima, a ne na imovinskom statusu, jer je i ona predmet politikanstva, poručila je Omerbegović-Arapović.

Sušтина novog pristupa Evropske unije zemljama zapadnog Balkana je ekonomija, jer je, smatra Amer Kapetanović iz Vanjskopolitičke inicijative BiH, koji je također učestvovao u

izradi analize, po svim ključnim parametrima zapadni Balkan potpuno potonuo, od ekonomskog rasta, deviznih rezervi, investicija u infrastrukturu, domaćih i stranih investicija...

- Novi pristup EU se bazira na tome da se zapadnom Balkanu pomogne. Poenta našeg okupljanja je bila da to ne bude pomoć bazirana na neoliberalnoj doktrini u čijem središtu je tržište, a ne čovjek. Dakle, da ne bude liberalizirajte, liberalizirajte, potisnite nadnice, napravite još veći jaz između onih koji imaju i onih koji nemaju ništa, što bi dovelo do znatnog uništavanja srednje klase koja je svakako uništena, do smanjenja potrošnje i ne bi dovelo dugoročno do ekonomskog oporavka. Recimo kad su porezi u pitanju, BiH je zemlja u kojoj nemamo porez na bogatstvo, mi imamo jedan ili dva posto ljudi koji imaju jahte i ne znam šta još, ali ne plaćaju porez na to, što je loše. Porez plaćaju oni koji rade i oni su previše opterećeni. Redistribucija poreske politike treba da

se napravi tako da se novac koji država prikuplja oslobodi kako bi se pomogli razvojni projekti koji bi omogućili zapošljavanje ljudi, koji bi omogućili ono što je vrlo važno - industrijsku politiku koju mi nemamo. Stalno govorimo srednja i mala preduzeća, super je to, ali za koga će raditi ta srednja i mala preduzeća ako nemate jedan klaster koji je povezan. Da biste imali to morate imati industrijsku politiku, morate znati koje grane razvijate i onda država mora u to ulagati, kazao je Kapetanović.

Volja

Reformska agenda, smatra on, donosi BiH nekoliko bitnih stvari. Prvo, okreće priču ka suštini. Do sada se, kazao je, bavilo temama identitetske krize, temama teorije, a potpuno se zaboravilo na to da je BiH ekonomski opustošena zemlja.

- Ekonomska reformska agenda nas vraća na taj put. Mislim da će i predstavnici delegacije EU reći kako su nam oni rekli na kojim oblastima trebamo raditi, ali nam neće reći i kako da to uradimo. To moramo sami i to je ogromna šansa za nas. Pameti u našoj zemlji ima, u to nisam nikad sumnjao. Ono u šta ja sumnjam je da li ima dovoljno političke volje. Za sada vidimo da je ima, kazao je Kapetanović.

Da ekonomskih potencijala BiH ima mnogo istakla je i dekanesa Omerbegović-Arapović, koja je kazala kako se oni ne mogu preko noći iskoristiti, već kako društvene resurse i njihove novčane tokove moraju koristiti generacije građana.

- To što smo trenutno neefikasni u upravljanju resursima ne znači da ne bi mogao postojati model gdje se ustvari efikasno upravlja bez politikanstva, a da benefiti i profiti od tih resursa pripadaju generacijama građana, ne samo nama koji danas živimo ovdje. Mislim da ovaj sad pozitivni val nije dovoljan, suštinski i dubok da ispravi sve ove nepravde i donese vrijednosti u ovo društvo, poručila je Omerbegović-Arapović.



Osman "Cico" Vujinović

VIRTUAL PROPERTIES REALTY

cell: 404-550-8054
 fax: 404-641-1831
 e-mail: osmanvu@gmail.com

**Specijalnosti:
 bankovne kuće,
 foreclosure i HUD kuće**

Style TRAVEL USA

tel > 1.773.525.4889
 fax > 1.773.435.6753
 e-mail > info@styletravelusa.com

<4109 North Kedzie Ave, Chicago, IL 60618>

NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!

Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii

< www.styletravelusa.com >

CERTIFIED INSURANCE BROKER TO HELP YOU WITH YOUR MEDICARE AND OBAMACARE ENROLLMENT IN NY, NJ AND FL

HEALTH INSURANCE RUN Big Apple Run Insurance Brokerage Inc. www.BIGAPPLEBENEFITS.COM

ANNUAL ENROLLMENT PERIOD FOR MEDICARE FROM OCTOBER 15, 2015 TO DECEMBER 7, 2015

ANNUAL ENROLLMENT PERIOD FOR OBAMACARE HEALTH INSURANCE FROM NOVEMBER 1, 2015 TO JANUARY 31, 2016

JACKSONVILLE, FL OFFICE
 10151 DEERWOOD PARK BLVD
 BUILDING 200, SUITE 250
 JACKSONVILLE, FL 32256
 PHONE: 904-371-1219
 MOBILE: 904-238-7064

NEW YORK OFFICE
 3114 35TH ST. #3C
 ASTORIA, NY 11106
 PHONE: 646-244-1594
 FAX: 718-274-9055

Osiguravajuća agencija Big Apple Benefits, Inc je, nakon New Yorka, otvorila za naše ljude i svoju drugu agenciju u centru Jacksonville-a na Floridi.

Za sve Vaše potrebe osiguranja, privatne i poslovne, sa povjerenjem se obratite na www.BigAppleBenefits.com ili pozovite Jasminu Imamovic na broj 904-238-7064 i zakažite termin za rješenje svih Vaših problema sa polisama osiguranja.

We provide complete Insurance services for:

Individual	Group	Commercial
• Home Insurance	• Medical Insurance	• Business Insurance
• Health & Life Insurance	• Dental Insurance	• General Liability
• Obamacare Insurance	• Life Insurance	• Workers Compensation
• Medicare Advantage	• Accidental D&D	• Business Auto
• Medicare Supplement	• Short Term Disability	• Excess/Umbrella Liability
• Dental Insurance	• Long Term Disability	• Homeowner / Building

Bajdenove zagrebačke poruke upućene i Moskvi

Naravno da Amerika nikada nije otišla iz ovog regiona, ali bi moglo da se kaže da je sada potvrdila svoj snažniji interes za Jugoistočnu Evropu ili Zapadni Balkan što koincidira i sa većim interesom Rusije za ovaj region, kažu u Beogradu, te da što se tiče Srbije Ameriku najviše zanima da se Beograd suviše ne približi Moskvi.

U razmaku od nedelju dana američki potpredsednik Džozef Bajden u Zagrebu, državni sekretar Džon Kerri u Beogradu.

Od izbijanja ukrajinske krize i Zapad i Istok intenziviraju svoje prisustvo i pokazuju da žele da što više utiču i na države ovog regiona, ne samo one koje su već u članstvu EU i NATO-a, nego posebno na one koje nisu članice te dve organizacije, kaže spoljnopolitički komentator Boško Jakšić.

Što se tiče Srbije, Sjedinjene Američke Države najviše zanima da se Beograd suviše ne približi Moskvi, ocenjuje Jakšić.

“Amerika zna da Srbija nije zainteresovana za članstvo u

zapadnoj vojnoj alijansi, da želi da održi svoju poziciju neutralnosti, ali relativno su česte i sve češće procene u Americi da bi Srbija mogla opasno da se približi Rusiji. E to onda podiže znak alarma u Vašingtonu”, navodi Jakšić.

A kada ste prisutniji ekonomski, politički, vojno ili u bilo kom drugom pogledu, ocenjuje naš sagovornik, onda su vaši kanali uticaja mnogo efikasniji.

“I upravo obnavljanje tih kanala koji su bili pomalo zapušteni je nešto što sada Amerika radi. I mislim da radi sa punim pravom imajući u vidu sve očiglednije i eksplicitnije pritiske koji dolaze iz Moskve”, komentariše Jakšić.

Bajdenova poruka sa skupa u Zagrebu - da Vašington snažno podržava da Crna Gora uđe u NATO, kao njegova 29 članica, došla je u samo predvečerje ministarskog sastanka Alijanse, kada će odluka o tome i definitivno biti poznata.

Da li je Bajdenovim bezrezervnim stavom već sada jasno da je, žargonski rečeno, stvar riješena i da je konsezus svih



zemalja članica već postignut?

Predsjednik Crne Gore Filip Vujanović nema dilemu.

„Izvjescio je da SAD, kao najmoćniji član NATO alijanse, iskazuje stav koji će izvjesno pomoći da dobijemo pozivnicu za NATO. Vidjeli ste da je potpredsjednik Bajden saopštio vrlo jasne razloge zbog kojih daje podršku Crnoj Gori za članstvo u NATO, da je afirmisao vrijednosti Crne Gore u ostvarenju standarda NATO-a“, konstatovao je Vujanović.

Predsjednik Atlantskog saveza Crna Gore Savo Kentera, pak, Bajdenovu poruku doživljava kao izuzetno ohrabrujuću.

„Sa druge strane, ne bih rekao da je to nešto krucijalno i da je to nešto što je odlučujuće. Jer, ako uzmemo u obzir ono što uvijek naglašavam, a to je da se odluke donose konsenzusom, moramo ipak sačekati decembar, kada ćemo vidjeti kako će se izjasniti svih 28 zemalja po tom pitanju. Bajdenova izjava jeste dobar signal, jeste nešto što svakako ohrabruje i podstiče ostale zemlje da glasaju pozitivno ali, sa druge strane, opet naglašavam, ne bi se smjeli opušitati, ne bi smjeli reći nikako da je to završena stvar“, upozorava Kentera.

Američka i evropska medijacija

Dolazak američkog potpredsjednika Džoa Bajdena na zagrebačku konferenciju, kako ocjenjuju bh. analitičari, ne znači i veći američki uticaj na Balkan, odnosno Bosnu i Hercegovinu.

Iako je u prvom planu njegova poruka o zalaganju za stabilnu i prosperitetnu regiju, Bajdenov dolazak u Zagreb je, prvenstveno, zbog postojeće sigurnosne situacije, a u svjetlu velikog priliva izbjeglica i imigranata, kaže politička analitičarka Ivana Marić.

„Bosna i Hercegovina nije više zanimljiva, jer migrantski val ili val izbjeglica ne prelazi preko naše teritorije. Zbog toga mislim da je ovo više prilika da Amerika razgovara na jednom mjestu sa njima, da vidi oko toga kako se može riješiti problem sa izbjeglicama i problem borbe protiv terorizma“, navodi Marić.

Gotovo identičan stav ima i Dragan Bursać, kolumnista portala „Buka“. Prema njegovim riječima, Amerika je sve vrijeme bila uključena u ovdašnje tokove, manje ili više, a trenutno ta zemlja ima važnijeg posla, kako kaže, nego što je to područje Balkana.

„Ništa me do sada nije razuvjerilo, koliko god želio ili ne želio da Sjedinjene Američke Države budu više involvirane na pitanja na Balkanu ili Bosni i Hercegovini, to se ne dešava“, ističe Bursać.

A, kako navodi profesor Esad Bajtal, njegova želja je da sastanak u Zagrebu bude od neke koristi za Bosnu i Hercegovinu.

„Volio bi da taj samit donese nešto dobro, ne samo cijelom regionu, već i Bosni i Hercegovini, ali i da poboljša neke unutrašnje stvari ovdje koje u svojoj disfunkcionalnosti omogućavaju i pojavu terorističkih incidenata, opasnosti.

Šta će biti od svega toga, hoćemo li mi nešto dobiti ili će sve ostati na retorici koja je bila zavodljiva, i koju je bilo ugodno slušati, ostaje da prosuđujemo svako za sebe, i da živjeti u nadi procjenjujemo koliko smo bili u pravu, tvrdeći da smo čuli to što smo čuli i da to što smo čuli jeste ovo ili ono“, kaže Bajtal.

Učešće američkog potpredsjednika Džoa Bajdena na zagrebačkom samitu je i pokazatelj da pogoršani odnosi mogu da

se regulišu onda kada takvim skupovima prisustvuju evropski i američki dužnosnici, smatraju kosovski analitičari.

Analitičar Fisnik Korenica iz Grupe za pravne i političke studije kaže da je, s obzirom da se Evropska unija graniči sa Zapadnim Balkanom, veoma važno očuvanje regionalne stabilnosti, ali i održavanje prijateljskih odnosa sa zemljama regiona, kako ne bi pale pod ruski ili uticaj terorističkih grupa.

„Treba da nam bude jasna jedna činjenica, a ta je da bi ruski uticaj na srpsku politiku, ali eventualno i na druge zemlje na Zapadnom Balkanu, bila tempirana bomba naspram interesa Zapada, odnosno naspram evropskih i američkih interesa. Isto važi i kada su u pitanju napadi, ali i postojanje teorijskih grupa na Balkanu“, navodi Korenica.

**Health Insurance and
OBAMACARE**

Get Covered! 11/01/15 - 01/31/16

Blue Cross
Blue Shield

Humana

Kaiser
Permanente

Coventry
Healthcare

Aetna

United
Healthcare

Cigna

Ambetter
Peach State

and Other
Companies

**FREE
Enrollment Help
from a LICENSED
Professional**

**Get Answers
TODAY!**

**FREE
Consultations
(New Plans,
Renewing Plans Or
Changing Plans)**

**FULL SERVICE
On or Off
the Marketplace**

Dali Josipovic
(678) 776-1395
Call, Text or Email

Office: 3079 Crossing Park Rd.
Norcross, GA 30071

Email: daliwfg@gmail.com
Fax: (770) 466-5613

Epohalna krizna godina

Obaranje jednog ruskog aviona podsjeća na najbolja vremena Hladnog rata. To je postalo udarna vijest širom svijeta, što pokazuje da u svjetskoj politici vlada velika napetost, smatra Aleksander Kudašef.

Svjetska politika je trenutno bure baruta. Demarkacione i linije fronta svakodnevno se mijenjaju. Pojačava se konfrontacija između regionalnih, ali i između velikih sila. Obaranje ruskog borbenog aviona, svedjedno da li se to dogodilo iznad Sirije ili Turske, pokazuje do koje su mjere napeti nervi i koliko je trenutna situacija eksplozivna.

Turska reaguje alergično na ruske vazdušne udare protiv sirijske opozicije i ponekad protiv „Islamske države“. Ankara je posebno osjetljiva, jer vjeruje da Rusija smišljeno bombarduje pobunjenike turskog porijekla koji se bore protiv Asada. Rusija time pogađa onu Tursku za koju je savez svih turskih naroda veliki cilj, ali i onu koja se osjeća kao saveznik svih protivnika Asada i koja je zbog toga dugo trpjela pobjednički pohod „Islamske države“. Da je to trajalo predugo, postalo je jasno ne samo nakon napada na Pariz, već i nakon napada u samoj Turskoj.

Suprotstaviti se Rusiji i pridobiti je za saradnju

S druge strane, NATO mora da reaguje i to u isto vrijeme

pokazujući solidarnost sa Ankarom, a u tonu reakcije i držanju Moskvi mora da uputi poruku deeskalacije. Niko ne želi da u zamršenoj situaciji oko Sirije doliva ulje na vatru. Naime, uprkos obaranju ruskog aviona, Zapad se nada da bi uz pomoć Rusije mogao da okonča sirijski građanski rat – i vojno i politički. Ako je Zapadu potrebna Rusija, onda je u paketu i Asad koji je zapadnim prijestonicama u najboljem slučaju prihvatljiv samo kao prelazno rješenje, pošto je glavni cilj suzbijanje „Islamske države“. Taj glavni cilj je jasan prije svega nakon napada u Parizu, Bejrutu i u Bamaku. Islamistički terorizam širi se u svim pravcima kao polip – na Bliskom istoku, isto kao i u Africi, Aziji, ali i u Evropi.

To je trenutno najveći izazov u svjetskoj politici. Ali i ta politika je takođe puna različitih interesa. Francuski predsjednik Oland želi da organizuje zajedničku vojnu akciju protiv IS, ali partneri su uzdržani. Sjedinjene Američke Države, dođuše, vrše vazdušne udare, ali ne žele da budu uvučene u ideološki i politički kaos na kopnu. Mada Pentagon zna da naposljetku neće moći da se izbjegne slanje kopnenih trupa, ako je cilj uništenje IS, predsjednik Obama ni u snu ne pomišlja na tako nešto. A velike regionalne sile – Saudijska Arabija i Iran – nemaju nikakve dodirne tačke, osim možda sopstveni interes da osiguraju svoju premoć u regionu.

Kakva može biti uloga Njemačke?

U međuvremenu je Francois Oland zamolio Evropljane za podršku. Reakcija je čak i retorički bila uzdržana. Međutim, uskoro će Njemačkoj, kao najbližoj saveznicu Francuske, biti postavljena neugodna pitanja: na koji način će Berlin da podrži Pariz? I, prije svega, na koji način je Njemačka u stanju da to uradi? Sigurno ne u Siriji. Pomoć bi se prije mogla sastojati od toga da Njemačka vojno rastereti Francusku tamo gdje je ona već angažovana – recimo u Maliju. Njemačka vlada želi da ponudi upravo to, a Bundesver je u stanju da to i odradi – dok je njemačko stanovništvo čak i što se toga tiče veoma skeptično. Njemačko-francusko savezništvo je pred svojim do sada najvećim iskušenjem.

Svjetska politika je u neredu. Odnosi su nejasni i zamršeni. Pored terorističke opasnosti koju donosi „Islamska država“, neriješena je i izbjeglička kriza koja pogađa i Evropu, ali i mnoga druga područja u svijetu. Državne institucije jedva da još znaju na koji način da riješe probleme koji nastaju u svakodnevici. Ne zna se ni šta donosi budućnost zato što niko ne zna na koji način će se milioni ljudi iz drugih kultura integrisati u zemljama koje su im dale utočište. Ova, 2015. je epohalna, krizna godina, a kalendarski još nije završena.





FASTV

NOVO HAYAT PAKET OD SAD NA FASTV!



za samo **\$20**

Mjesečno
Uključujući takse!

+ 100 TV Kanala samo
+ FREE HD BOX



ZOVITE FASTV I GLEDAJTE 100+ TV KANALA iz Balkana za samo \$20

1-866-639-8911

Address: 2320 Arthur Ave Bronx, NY 10458

Telephone: 1-866-639-8911

Website: www.FASTV.com

Zaboravljeni istok Evrope okreće se Kini

Od 2012. godine Kina i šesnaest evropskih zemalja njeguju ekonomsku platformu koja ljuti Evropsku uniju, jer se Peking u vezi sa tim pitanjem ne konsultuje sa Briselom. S druge strane, kineska vlada je mišljenja da može da sklapa poslove sa suverenim zemljama, ukoliko one to žele. Sa Briselom to nema nikakve veze. A suverene zemlje to žele.

Saradnja Pekinga sa dijelom zemalja srednje i istočne Evrope (CEE) označava se jednostavno kao mehanizam 16+1. Šesnaest evropskih zemalja više od tri godine razvijaju sa Kinom zajedničke projekte, sklapaju ugovore i profitiraju jedna od druge. Ukoliko se pogleda spisak tih zemalja, jasno je da je među njima više onih iz istočne, nego iz centralne Evrope.

Investicije sa skrivenim motivima

Kina investira u ekonomski posrnulu Istočnu Evropu – i to ne bez skrivenih motiva. Ovoga mjeseca, zemlje-učesnice sastale su se po četvrti put, a prvi put u Kini. Prvi put Kina se fokusira isključivo na istočnu Evropu.

Grupa 16+1 nije klub u kome se diskutuje. Od prvog sastanka u Varšavi, već je nekoliko projekata uspješno realizovano – istočna Evropa će prije svega u oblasti infrastrukture, ali i u energetsom sektoru biti postavljena na noge. U

energetskom sektoru Kina pomaže Rumuniji sa oko milijardu dolara u izgradnji nove elektrane na ugalj. Prije par sedmica, kako javlja kineska novinska agencija Sinhua, potpisan je sporazum prema kojem će kineski „General Nuclear“ izgraditi dva nova bloka u rumunskoj nuklearnoj elektrani Černavoda. U Srbiji, Kinezi modernizuju termoelektanu.

Već u prošloj godini Kinezi su po prvi put u Evropi izgradili most – i to u Srbiji. Početkom ove godine, Peking je potpisao ugovor o modernizaciji 370 kilometara željezničke pruge na relaciji Beograd-Budimpešta. U Makedoniji će biti izgrađena dva nova autoputa u vrijednosti od 580 miliona eura, što finansira Kineska banka.

Umrežavanje i širenje trgovačkih puteva

Pritom se ne radi samo o boljem umrežavanju same istočne Evrope, već i Kine sa istočnom Evropom. Od prije dva mjeseca uvedena je direktna avionska linija između Praga i Pekinga. Prva direktna željeznička linija između Poljske i Kine otvorena je još 2013. godine. Od tada je kontejnerima potrebno petnaest dana da iz kineskog Čengdua stignu u Lođ, treći po veličini poljski grad.

Sve su to projekti za koje Brisel nema novaca ili vremena. To je rupa na tržištu koju Peking s pravom koristi. I to se



© picture alliance/ZUM APRESS

ekonomski isplati. Obim trgovinske razmjene između Kine i zemalja CEE 2010. godine je iznosio 43,9 milijardi američkih dolara. Prošlo godine porastao je za skoro 17 milijardi eura. Zemlje su zato Peking i politički zahvalne.

Prestizni projekat „Novi put svile“

Uz to, svi ti projekti uklapaju se u jedan od najvažnijih kineskih spoljnopolitičkih projekata: Novi put svile. To bi trebalo da bude svojevrsan most koji će povezivati Kinu sa Evropom, a čiji bi uzor bila čuvena stara trgovačka ruta. Za tu viziju Peking planira da u prvoj fazi izdvoji četrdeset milijardi dolara i isključivo zbog te vizije osnovana je Azijska infrastrukturno-investiciona banka sa ukupnim kapitalom od sto milijardi eura. Jedan od osnivača je i Njemačka.

Formula je, dakle, jednostavna: što je bolja infrastruktura šesnaest zemalja, to će uspješniji biti projekat Novi put svile. Na sastanku 16+1 u decembru 2014. godine, kineski premijer Li Kečijang zato je najavio da planira da podstakne razvoj regiona sa najmanje deset milijardi dolara. U istočnoj Evropi već se rasplamsalo takmičenje za naklonost Pekinga. Poljski predsjednik Andžej Duda, recimo, već ima ideju koju bi ulogu Poljska mogla da ima u projektu: njegova zemlja trebalo bi da bude svojevrsan logistički centar. Direktna željeznička linija Lođ-Čengdu predstavlja neku vrstu početka.

Traži se most ka zapadnoj Evropi



Naravno da Kina svojim angažmanom na istoku traži i novi pristup ka zapadnoj Evropi – na sporedni ulaz. Brisel je međutim sam kriv. Istočna Evropa suviše dugo je bila ostavljena po strani. Zapostavljeni istok okrenuo se ka Aziji tek kada je primijetio da njegovi problemi nisu prioritet Brisela. Pored Poljske, i Češka i Bugarska su tokom posjete kineskog ministra spoljnih poslova Vanga Jia pokazale veliku zainteresovanost za centralnu ulogu u projektu Novi put svile. Vang je tom prilikom istakao da Kina nije samo zainteresovana da njeguje partnerstvo sa starim centrima moći, poput Velike Britanije, Njemačke i Francuske, već i sa svim evropskim vladama – pod motom „Novi počeci, nova polja, nove vizije“, pod kojim se održao sastanak 16+1.



Intervju Brus Hofman:

Niko ne želi da pošalje kopnene trupe protiv ISIS

Direktor Centra za studije bezbednosti na američkom univerzitetu Džordžtaun (Georgetown) Brus Hofman (Bruce Hoffman) u intervjuu kaže da su "neophodne kopnene trupe da bi se porazili ekstremisti 'Islamske države', osigurala teritorija i spriječio njihov povratak". On takođe ističe da se svijet suočava sa paradoksom da - iako se sve više uviđa opasnost od ISIS (Islamska država Iraka i Sirije - ISIS), skoro niko nije spreman da pošalje kopnene snage da se bore protiv njega.

"Islamska država" nije prva teroristička prijetnja. Tokom 1970-ih djelovale su "Crvene brigade", "Baden Majnhof" i druge terorističke grupe. Međutim, ono što "Islamsku državu" razlikuje od svih ostalih terorističkih organizacija, uključujući i njenu prethodnicu Al kaidu, jeste njena pretenzija da bude država. U kojoj mjeri je njen uspon prije svega posljedica, odnosno refleksija globalnih geostrateških rivalstava, prije svega Rusije i Zapada, kao i u samom regionu Bliskog istoka između Turske i Saudijske Arabije kao sunit-

skih zemalja, sa jedne, i Irana kao šiitske države, sa druge strane?

Hofman: Najveća razlika između "Islamske države" i terorističkih grupa tokom 1970-ih i 80-ih jeste njihova veličina. Na primer, "Crvene brigade" nikada nisu imale više od 400 pripadnika. Istovremeno, "Islamska država" ima najmanje 20 hiljada militantata, a prema nekim procjenama i više od 30 hiljada. Takođe, "Crvene brigade" ili "Baden Majnhof" djelovali su isključivo u Evropi tako da tadašnji terorizam nije bio globalni problem. S druge strane, "Islamska država" preuzima odgovornost i za napade u Bangladešu, Avganistanu, Sinaju, severnoj i zapadnoj Africi, Nigeriji, uz djelovanje na Bliskom istoku.

Kada je riječ o uzrocima uspona "Islamske države", tu nije primarno rivalstvo Istoka i Zapada, odnosno velikih sila. Glavni razlog je što Al kaida nikada nije u potpunosti eliminisana u Iraku, mada je bila znatno oslabljena i na ivici kraha krajem prošle decenije. Međunarodna zajednica, prije svega SAD, bila je zasićena nakon višegodišnjeg rata u Iraku. Stoga



**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)



je Vašington odlučio da povuče svoje trupe što je omogućilo jačanje ISIS.

Za razliku od "Crovenih brigada" ili "Bader Majnhofa" koji su napadali prije svega predstavnike države, "Islamska država" brutalno likvidira sve one koji joj se nađu na putu, uključujući i civile, što izaziva zebnju i strah kod ljudi širom sveta, jer se pokazalo nakon nedavnih napada u Parizu i terorističkih prijetnji u Belgiji da niko ne može da se osjeća sigurnim, a ISIS upravo i želi da podstakne to osjećanje neizvjesnosti i pozorenja kod ljudi.

Hofman: Za razliku od ljevičarskog terorizma u Evropi tokom 1970-ih, u 21. veku riječ je prije svega o vjerski motivisanom ekstremizmu, što nužno vodi ka definisanju mnogo šireg kruga neprijatelja.

Pomenuli ste Al kaidu koja nije u potpunosti uništena, iako je tako izgledalo krajem prošle decenije, kao jedan od razloga za uspon ISIS. Međutim, to što je ostalo od Al kaide nakon smrti Osame bin Ladena u suparničkom je odnosu sa "Islamskom državom". Da li su SAD pogriješile što su se povukle iz Iraka? Kažete da suparništvo velikih sila nije ključni razlog za uspon ISIS. Međutim, on je jačao u sjenci sukoba sirijskog predsjednika Bašara el Asada sa opozicionim snagama raznih političkih profila. Paradoksalno je da je ISIS došao u posjed znatnog arsenala oružja koje su Saudijska Arabija, Turska, SAD i mnoge druge zemlje slale svim grupacijama koje se bore protiv Asada.

Hofman: "Islamska država" se već na početku rata dokopala znatnih količina oružja od Asadovih snaga, zatim od iračke armije što je dovoljno da naoruža armiju od možda čak

i 300 hiljada pripadnika. Kada je reč o rivalstvu "Islamske države" i Al kaide, mislim da nije toliko riječ o suparništvu ove dve grupacije koliko o ličnoj surevnjivosti njenih lidera Bagdadija i Zawahrija. Mnogi pripadnici ISIS borili su se ranije u Al kaidi. "Islamska država" i dalje veliča Osamu bin Ladenu. U posljednje vrijeme se pominje mogućnost saradnje pa čak i ujedinjenja ove dve grupacije.

Da li su zakazale zapadne obavještajne službe ne uspjeh-ši da blagovremeno uoče uspon "Islamske države" kao pret-nju?

Hofman: Obavještajne službe su odavno upozoravale na prijetnju od jačanja terorističkih grupa. Dakle, obavještajne službe su u osnovi tačno procjenile snagu ISIS i njegov uspon. Međutim, problem je politička volja. Naime, nakon rata protiv globalnog terorizma više od decenije, većina država osjeća zamor, jer su potrošena znatna sredstva za tu namjenu. U međuvremenu, rastao je broj žrtava borbe protiv terorizma. Groblja su prepuna žrtava, a bolnice ranjenika prije svega zbog ratova u Iraku i Avganistanu. Ljudi žele da se jednom to okonča. Međutim, napadi u Parizu pokazuju da opasnost od terorizma nije prošla.

*Mislite pre svega na slabljenje volje u SAD za angažma-
nom u kriznim područjima?*

Hofman: U svim zemljama. Ako analizirate vojne budžete članica NATO, vidjećete da je sve niži čime se znatno umanjuje njihova sposobnost da blagovremeno reaguju na razne bezbjednosne izazove. To što ste pomenuli da je jedan od osumnjičenih za napade u Parizu došao sa izbeglicama preko Balkana, pokazuje da je reč o transnacionalnom i međuna-



Am Dent, Inc.



Dental Care for Entire Family
Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted **NOW OFFERING!** Ortho (Braces) Special - FREE Ortho Consultation
 Medicaid (uder 21) Peachcare New Patient Special (Exam, X-Rays, Cleaning) - ONLY \$75
 Major Credit Cards **0% Financing up to 12 Months through Care Credit**

www.drnazneendalwai.com :: 895 Indian Trail Road, Suite 11, Lilburn, GA 30047

Olde Salem Apartments

CALL FOR SPECIAL OFFERS*

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies



Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.



NO APPLICATION FEE!**

*Prices & Specials Subject to Change. **With Approved Credit.

rodnom problemu a ne svake zemlje ponaosob. Vodeća uloga SAD u borbi protiv terorizma je od presudne važnosti.

Osim SAD, veoma je važna uloga i zemalja regije, prije svega Saudijske Arabije koju optužuju za podršku vehabističkim i ostalim radikalnim grupacijama. Čak je i američki potpredsjednik Džozef Bajden prošle godine optužio Saudijsku Arabiju za podršku ekstremistima. Doduše, kasnije se povukao i izvinio zbog te izjave. Kako komentarišete ocjene da je Saudijska Arabija jedan od glavnih krivaca za uspon "Islamske države" zbog podrške raznim vehabističkim i drugim ekstremističkim grupacijama?

Hofman: "Islamska država" prevazilazi djelovanje tih vehabističkih grupacija. Ona je, zapravo, prijetnja Saudijskoj Arabiji kao skoro nijednoj drugoj zemlji.

U traganju za uzrocima jačanja islamskog ekstremizma, da li je američka intervencija u Iraku 2003. i sve što je kasnije uslijedilo sa zbacivanjem Sadama Huseina, potom zbivanjima u Libiji i sada u Siriji - doprinjela otvaranju "Pandorine kutije"?

Hofman: Teško je to reći i izdvojiti bilo koji uzrok posebno u potrazi za odgovorom zašto se danas suočavamo sa ovakvom prijetnjom.

Deluje pomalo čudno da, bez obzira što "Islamska država" ima oko 30 hiljada militantata i moderno naoružanje, međunarodna koalicija predvođena SAD-om - mada je riječ samo o vazдушnim udarima - nije u stanju da uništi ekstremiste. U međuvremenu, i Rusija je započela kampanju u Siriji. Jasno je da se ISIS ne može poraziti samo djelovanjem avijacije već i slanjem kopnenih trupa. Međutim, osim Asadove armije, tu je i iranska vojska, zatim kurdske snage koje su izvojevale važne pobjede. Dakle, čudno je kako "Islamska država" uspjeva ne samo da odoljeva već i da uzvratiti terorističkim napadom u Parizu.

Hofman: Nije moguće pobediti ISIS bez većih kopnenih operacija. Dosadašnje iskustvo pokazuje da nije dovoljno koristiti samo avijaciju da bi se porazio ovakav neprijatelj. Udari iz vazduha imaju ograničeni domet zato što se mora voditi računa da ne stradaju civili. Dakle, neophodne su kopnene trupe koje bi potisnule ekstremiste, osigurale teritoriju i spriječile njihov povratak. Međutim, suočavamo se sa paradoksom da iako se sve više uviđa opasnost od ISIS, skoro niko nije spreman da pošalje kopnene snage da se bore protiv njega.

Zar nije moguće ozbiljno uzdrmati ekstremiste sofisticiranim oružjem kao što su rakete sa navođenjem, veoma moćnim projektlima koji mogu da probiju bunkere i podzemna skloništa?

Hofman: Uspjeh takvih vazдушnih udara u mnogome zavisi od preciznih obavještajnih podataka, a njih opet nije moguće prikupiti bez trupa na terenu. Dakle, moguće je vazдушnim operacijama oslabiti ISIS, ali ipak su na kraju neophodne kopnene trupe da bi osigurale teritoriju i garantovale bezbjednost tamošnjeg stanovništva.

Sve se učestalije govori o neophodnosti stvaranje globalne koalicije za borbu protiv ISIS, kojoj bi se priključila i Rusija. Međutim, nakon incidenta u kome je turski avion oborio ruski da li je dovedena u pitanje takva koalicija?

Hofman: Nužno je širenje saveza za borbu protiv „Islamske države“ bez obzira na sve razlike. U protivnom, postoji opasnost od novih tragedija kao nedavno u Parizu.

Da li se može očekivati da će NATO ili pojedine njegove članice poslati kopnene trupe u borbu protiv ISIS?

Hofman: Još ne.

U kom trenutku će to učiniti, da li treba da se desi još neki teroristički napad kao u Parizu pa da to napokon učine?

Hofman: Moguće je zamisliti takav scenario. Međutim, volja za većim angažmanom se za sada ne nazire iako Francuska nastoji da proširi koaliciju koja bi se aktivnije uključila u borbu protiv ISIS. No, kao što sam rekao na početku, sve zavisi od političke volje.

"Islamska država" je zaprijetila napadima širom Evrope, kao i na SAD i druge mete u svijetu. Da li prije svega Evropa može da spriječi terorističke akcije?

Hofman: Nakon napada u Parizu treba ozbiljno uzeti sve prijetnje, ali ne i pretjerano reagovati. Valja imati na umu da teroristi, istovremeno, vode i psihološki rat te da je u takvim okolnostima moguće izazvati zebnju i strah a da se čak "ni prstom ne mrdne", čime se postiže cilj. Dodatni problem je vraćanje velikog broja militantata iz Evrope koji učestvuju u operacijama "Islamske države" na Bliskom istoku.

Kako tumačiti činjenicu da se skoro 10.000 islamista iz Evrope pridružilo ISIS, među njima i nekoliko stotina sa Balkana?

Hofman: ISIS veoma efikasno koristi propagandu preko društvenih mreža uspjavajući tako da dopre do šire publike.

Međutim, i drugi, uključujući i nadležne državne i društvene institucije, mogu da koriste društvene mreže kako bi neutralisali propagandu ekstremista.

Hofman: Drugi nisu u stanju da pariraju "Islamskoj državi" u propagandi.

Šta čini ISIS tako privlačnim da mu se pridružuju pojedini mladi muslimani koji su rođeni i odrasli u Britaniji ili Francuskoj? Da li je u pitanju samo avanturizam ili borba za određeni politički cilj?

Hofman: Reč je o čitavom spektru motiva koje je teško do kraja shvatiti i stoga predvidjeti postupke ekstremista.

Na koji način Evropa može spriječiti terorističke napade. Čak u slučaju kada su efikasne, klasične bezbjednosne mjere očito nisu dovoljne. Kako uključiti društvo u cjelini, uključujući i islamsku zajednicu, da bi se spriječila radikalizacija muslimana?

Hofman: Najpre treba shvatiti da je terorizam strategija provokacije čiji je cilj izazivanje dubokih podjela u društvu po raznim osnovama kako bi se zainteresovali pojedini njegovi dijelovi da se pridruže terorističkim organizacijama.

Zbog toga je veoma važno da bezbjednosne mjere ne dovedu do otuđenja pojedinih segmenata stanovništva, u ovom slučaju muslimana, koji ne treba da budu viktimizirani ako nisu učestvovali u nasilju. Naprotiv, njihov angažman je od presudne važnosti da bi se suprostavili terorizmu.

U međuvremenu, neophodna je bolja kontrola granica. Veliki je problem što je Abdelhamid Abud, jedan od glavno osumnjičenih za napade u Parizu, mogao da u januaru otputuje iz Evrope u Siriju, a potom da se vrati neprimećen.

Takođe, nužna je mnogo efikasnija razmjena obavještajnih podataka, zatim efektivnije delovanje snaga bezbjednosti u cilju otkrivanja i slamanja infrastrukture terorista u Evropi, odnosno sprečavanje delovanja i hapšenja povratnika sa ratišta na Bliskom istoku.

Tek nakon toga možemo govoriti o mjerama koje bi spriječile ponovnu radikalizaciju dijelova muslimanskog stanovništva koji žive na Zapadu.



Dino Multi-Services

DMS

PREVODI, NOTARSKI I
ADMINISTRATIVNI POSLOVI

Pružamo usluge:

- Notara, Apostille
(međunarodna nadovjera dokumenta)
- prevoda i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU

NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
LAWRENCEVILLE, GA 30043
E-MAIL: DKRGO@BELLSOUTH.NET

tel.(678)429-4353

KRGO DINO



Agencija locirana u Jacksonville - Florida
Vam i ove godine nudi najpovoljnije karte za sve destinacije svijeta

Imamo letove po nevjerovatno povoljnim cijenama za Sarajevo, Zagreb, Beograd, kao i za druge gradove Europe


Naši ugovori su sa avio kompanijama kao što su: Lufthansa, US Airways, Air France, Delta, United, Austrian Airlines, British Airways i mnoge druge

Sa nama možete dovesti familiju i prijatelje iz Bosne i Hrvatske, tj. cijele Europe i svijeta.
Karte se izdaju ovdje, a osobe koje lete podižu karte na aerodromu sa kojeg polijeću.

Također nudimo i osiguranja za dobivanje vize kao i osiguranja za karte, tj. putničko osiguranje "Travel Insurance".

Nazovite nas i uvjerite se da smo najjeftiniji i najbolji.

Tel: 904-866-9893

 [facebook.com/eminatravel](https://www.facebook.com/eminatravel)

E-mail: eminatravel@bellsouth.net

SELLER OF TRAVEL REF. No. 5T35868

M & J

STUMP GRINDING & TREE REMOVAL SERVICE



770-274-8590

Mark Narciso

-Prompt and affordable

-Free estimates

mnarciso2011@hotmail.com



www.facebook.com/Stumpgrinderman

bosansko-hercegovački magazin

EUROPPA

January

Su	Mo	Tu	We	Th	Fr	Sa
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

February

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29					

March

Su
6
13
20
27

May

Su	Mo	Tu	We	Th	Fr	Sa
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

June

Su	Mo	Tu	We	Th	Fr	Sa
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

July

Su
3
10
17
24
31

September

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

October

Su	Mo	Tu	We	Th	Fr	Sa
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

November

Su
6
13
20
27

Europa Magazine

P.O. Box 867

Lawrenceville, GA 30046



1-877-747-6097

Phone: +1 (678) 743 5731

E-mail: editor@europamagazine.info

Web: www.europamagazine.info

ch

Mo	Tu	We	Th	Fr	Sa
	1	2	3	4	5
7	8	9	10	11	12
14	15	16	17	18	19
21	22	23	24	25	26
28	29	30	31		

April

Su	Mo	Tu	We	Th	Fr	Sa
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

Mo	Tu	We	Th	Fr	Sa
				1	2
4	5	6	7	8	9
11	12	13	14	15	16
18	19	20	21	22	23
25	26	27	28	29	30

August

Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

ember

Mo	Tu	We	Th	Fr	Sa
	1	2	3	4	5
7	8	9	10	11	12
14	15	16	17	18	19
21	22	23	24	25	26
28	29	30			

December

Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

2
0
1
6



Pogled iz lijesa

O jednoj nelogičnosti u romanu *Na Drini ćuprija*, o jednoj sahrani s pogledom na stečke, o jeftinoj vuni i skupim načelnicima i o tome zašto je pametnije živjeti na Romaniji nego u Americi.

Ne pruža se prilika svaki dan čovjeku da nosi mrtvački kovčeg u koji će za par sati leći. Prevoz je već bio osiguran i dogovoren, pa je Čokoljub tužan i prilično zasran golubijim izmetom ostao na parking. Još uvijek obuven u ljetne gume, preko noći zasut humkama lišća, već skoro mjesec dana ne pomjera se s mjesta, čekajući da se neki prolaznik zagleda u njega i nazove broj s oglasa nalijepljenog iznutra na šoferšajbu.

Vjetar je divljao cijelu prethodnu noć satjerujući kao ovčarski pas oblake u tor neba nad Bosnom. Jutro je, poslije nekoliko sunčanih i toplih sedmica ukradenih od oktobra, najzad pravo jesenje. Prognoze najavljuju kišu, a u noći i snijeg.

Vozimo se u Zokinom pežou natrpanom sokovima i sendvičima za daću. Idemo sporo, jer vozač kombija iza nas, sa penzionerima u crnini i praznim sandukom između redova sjedišta, ne zna gdje su Sokolovići.

Otišli su trbuhom za bjeljim kruhom

Skretanje prema tom selu, desno sa ceste Sokolac – Han Pijesak nije obilježeno. A trebalo bi biti i to ne samo običnim putokazom, nego i nekim reklamnim panoom sa likom velikog vezira Mehmed-paše. Wikipedije kao mjesto njegovog rođenja navode selo pored Rudog, a ako su one u pravu onda je poglav-

lje posvećeno njemu u romanu *Na Drini ćuprija* nelogično: jer odakle da dječak iz sela Sokolovići pored Rudog prelazi Drinu s lijeve na desnu obalu? U Andrićevoj geografiji to bi selo moralo biti na lijevoj obali i putem povezano s Višegradom.

A takvo je ovo, do kojeg se stiže uskom asfaltnom cestom, dolinom izrezanom žičanim ogradama na sjenokosne parcele. Nekada bogato i živo, u ovom oblačnom jesenjem prijepodnevnu ostavlja depresivan utisak. Subota je i slava svetog arhandela Gavrila, pa se možda mještani pripremaju za dočeke ili posjete.

Mjesto je prije rata imalo par hiljada stanovnika i školu koju je pohađalo skoro osamsto đaka. Zgrada škole je danas polusrušena, a malobrojne đake se vozi u Sokolac školskim autobusom ili roditeljskim automobilima. Dosta je kuća napušteno; ljudi su trbuhom za bjeljim kruhom otišli na Sokolac, Pale ili u Istočno Sarajevo. Sada bi se neki od njih i vratili, razočarani u prevelika obećanja poslijeratne urbanizacije vikendaških naseља. Ali za povratak je potrebno berem 30.000 eura – za obnovu kuće i nabavku stoke i mehanizacije.

Kad se kaže estetika, misli se na sintetiku

Oni koji nisu napuštali imanja danas žive dobro. Ne žale se; od prodaje mlijeka i mesa, uz druge prinose sa zemlje i iz šume, živi se, kažu, dobro. Dok u SUR Devetak, za potrebe današnje sahrane pretvorene u garderobu i šminkernicu, pijemo za pokoj duše još neumrlog putopisca, ispred se zaustavlja kedi s naljepnicom Pađeni. Nakon što Milkos mjesecima nije izmirivao svoje dugove, bilečka se mljekara pojavila kao ozbiljniji



© DW/N. Valickovic

EMC TRUCKING

Serves All 48 States

**EMC Trucking zapošljava owner-operatore i
kompanijske vozače.**



- Minimum 3 godine iskustva
- Mogućnost rentanja trailer-a
- Dispatcher 24/7
- Korištenje kartice za gorivo (Fleet Card)

Za više informacija nazovite: 678-558-8013



i sigurniji partner. Kvalitet planinskog mlijeka provjerava se dva puta mjesečno, a otkupna cijena, u zavisnosti od procenta masnoće, varira od 45 do 90 feninga. Pađeni otkupljuju samo kravlje mlijeko. Ovcije se ne isplati musti.

– Puno posla, objašnjava vozač kedija. On je nakratko boravio kod familije u Americi i nikad se ne bi mijenjao za onaj život tamo. Ljudi rade od zvijezde do zvijezde, a poslije posla ako ne trče da završavaju privatne stvari, gledaju televiziju ili izlaze u šoping-molove. I sve to debelo, gura stomak ispred sebe u kolicima. Nestalo struje, konobar ne zna na papiru sabrati račun? A ovdje su ljudi obrazovani, svestrani. I pametni, ne lome se od posla. Treba malo i uživati, a ne samo crnčiti.

Ovce u toj filozofiji služe uživanju. Velika bijela stada na zelenim obroncima Devetaka drže se isključivo zbog mesa. Ražanj je iz raja izašao. Vuna i koža se najčešće bacaju. Nekada je čilimara u Sokocu to otkupljivala. Za jednu kožu čovjek je mogao popiti gajbu pive i zameziti uz to. Danas to nikome ne treba. Kad se kaže estetika, misli se na sintetiku.

Vuk je rođen da kolje

Arhitektica i profesorica Sanela Karić u svojoj nedavno promovisanoj knjizi, Održivo stanovanje, drvo, ovčja vuna i slama, izazovi i potencijali tradicionalnih prirodnih materijala dokazuje da ovu seljačku računicu opravdava samo divljačka bosanskohercegovačka vlast. (Ne ovim riječima, naravno.) Ona se u svom radu ne bavi korupcijom i ne troši papir na stranačke IMT (imal-mene-tu) kadrove koji parazitiraju na budžetima puneći ih sve većim kreditnim zaduženjima. Vuna je, čitamo u toj knjizi patriotskijoj od sve naše patriotske poezije đuture, prvoklasan građevinski materijal. Zdravija, jeftinija, sigurnija. Sve što treba jeste obnoviti pogone za njenu preradu i organizovati otkup. I stranih bi se partnera i investitora našlo; ali nikoga ko je spreman na sve to još gurati i debele svežnjeve u šuplje džepove polupismenih načelnika.

Krave su na Romaniji sve popularnije jer ih je lakše nego

ovce zaštititi od vukova. Ne pomažu tu mnogo prehvaljeni tornjaci. – Vuk je rođen da kolje, objašnjava jedan lovac. Njemu je pas poslastica. Svojim sam očima gledao kako od cijelog psa ostane samo šapa. Pojede ga ko jagodu.

Osim vuka, lovi se tu i divlja svinja, lisica, i srndać... Bilo je divkova, zalutale odnekle... Zeca ima, ali malo. A na medvjeda ne smiješ ni pomisliti. Medvjed i ne pravi štetu. Vuk je najgori. Kad upadne u tor, pokolje sve što stigne.

Pitamo i za Mehmed-pašu Sokolovića, čuva li se u selu neki znak da je rodom iz ovog kraja. Nije, ti Sokolovići iz kojih je on tamo su negdje kod Rudog. Ali turista koji skrene na ovaj put, makar i da prećicom stigne do Rogatice ili Borika, neće ostati sasvim praznih šaka. Desetak minuta dalje od centra (ako centrom proglasimo trokut kafana – crkva – škola; od kojih je kafana zatvorenog, a škola srušenog tipa) naići će na nekropolu stećaka, sa reljefima razmućenim u mahovini. Jedan među njima nesrazmjerno je velik, a sudeći po konturama mača pritišće kosti nekog zaslužnog ratnika. Nekropola je žičanom ogradom presječena na dvije katastarske jedinice, pa je pedantan obilazak svih mramorova skopčan i s izvjesnim rizikom po turistove mošnje.

Živom čovjeku je tijesno u lijesu

U vrhu livade preko puta nekropole čeka nas iskopan grob. Iznosimo prazan sanduk i nosimo između grmova čičaka s glavama nalik buzdovanima. Ožalošćeni skup u crnim kaputima čeka ispod raširenih kišobrana. Rominja prva najavljena kišica. Vrijeme i teren idealni za sahranu. Pokojnik većinu ožalošćenih ne poznaje. Svima, a posebno penzionerima iz Centra za zdravo starenje zahvaljuje se na dolasku. Prema planu snimanja on liježe u kovčeg tek u dvadesetom kadru. Režiseru i scenaristi u jednoj osobi ovo je prvi film, pa nesigurnost kompenziraju višestrukim dublovima. Nakon svakog snimljenog kadra vadi iz džepa cedulju snimanja i dogovara naredni korak sa mnogo isku-

snijim snimateljem. Kiša prestaje pa pojačava. Na sivom nebu tri jastreba kliktanjem istjeruju plijen iz jazbina. U dnu livade pojavljuje se dvočlana policijska patrola. Nakon što se telefonom uvjere da je snimanje uredno najavljeno u opštini Sokolac, sa kratkotrajnom pažnjom prate dogovor sa statistima. Kad shvate da od akcije nema ništa, pomalo ražoćarani napuštaju set.

Kiša je sve krupnija i sve jača. Na monitoru filmske kamere, čiji dan košta koliko dvije mjesečne plate grobara, to izgleda odlično. Ali statisti već pomalo cvokoću od zime a fleka blata oko rake postaje sve veća i sve klizavija. Jeftina produkcija ne uključuje osiguranje od nezgode, što unosi suspens u dramsku situaciju. Broj dublova se smanjuje. Pokojnik dobija znak da se presvuče, što na zadnjem sjedištu pežoa nije sasvim lako. Otežavajuća okolnost je i da na raspolaganju ima dva odijela, crno i tamno sivo, što njemu kao daltonisti ne znači ništa. Kombinacijom s kojom napušta garderobu kostimograf nije zadovoljan, pa se cijela vratolomija ponavlja.

Tu mu pada na pamet onaj vic s Crnogorcima koji dopuštaju strancu da ih snima kako leže pod drvetom, ali kad ih zamoli da se malo pomaknu iz sjene na svjetlo, odbruse mu da su oni glumci, da nijesu kaskaderi. Dok se pod iskrivljenim kišobranom (kolateralna šteta presvlačenja) u lakovanim cipelama penje uz klizavu livadu ka vrhu bh. kinematografije disanje mu otežava i tijesan zakopčan sako. Lijes sa četiri ručke, pokvašen kišom, pušta miris čamovine. Izgleda velik, ali živom čovjeku je tijesno unutra. Traži od ekipe da ga poklope, jer kišobran više nije dovoljan da ga zaštiti od sve krupnijih kapi. Isprva ga ne čuju, pošto je svima smiješ-

na ta slika i svi škljocaju aparatima ili telefonima. Najzad ga poklope.

Davno sam ti legao i dugo ti mi je ležati.

Lijes unutra propušta svjetlost, što znači da sastavi dasaka nisu dobro izvedeni. Javnom komunalnom preduzeću Pokop ne služi na čast takav tesarski dunderaj. Nije da redovnim mušterijama to može smetati, ali u čemu je smisao cijele te pompe, ako ne u sitničavim detaljima? Ako smo već prah i prahu se trebamo vratiti, čemu te daske između nas i zemlje, između nas i crva? I čemu pokrovi, kamenje, vatre, urne? Svaki ekolog morao bi se usprotiviti tom traćenju drveta i energije. Najviše što jedan leš može učiniti za život jeste da ga što brže nahrani.

U tom bi se smjeru kretala razmišljanja pisca u lijesu, da je o nečemu uopšte mislio. Ali nije. Osjećao je samo zadovoljstvo što mu je toplo i što ne kisne. Nije se baš mogao slobodno kretati, ni telefon ne bi mogao otključati da je zazvonio, ni počesati se, ali mu je bilo bolje nego onima vani na vjetru i su-snježici. Većina njegovih zemljaka razumjeće taj osjećaj. Zašto bi se oni koji vjeruju u život poslije smrti ponašali kao da ima i života prije smrti?

- I ako padne, neće se zadržati - kaže vozač dok strelice pahulja prolaze kroz svjetla farova na putu nazad preko Ravne Romanije. - Zemlja je pretopla, otopiće ga.

Ujutru Sarajevo žmirka pokriveno prvim snijegom. Viješti javljaju o snježnim nanosima, zastojećima na putevima i selima koja su ostala bez struje.

Toliko o toploti zemlje.

Senad i Sevleta Čamdžić

Eurotel Agencija

PONOVO NAJBOLJI!

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552



NAJPOVOLJNIJE CIJENE!

Bosna	samo 8.9 c/m!	<div style="border: 1px solid black; padding: 5px; display: inline-block; color: red; font-weight: bold;">Zovi!</div> <div style="border: 1px solid black; padding: 5px; display: inline-block; color: blue; font-weight: bold;">Koristi!</div> <div style="border: 1px solid black; padding: 5px; display: inline-block; color: white; font-weight: bold;">Uštedi!</div>
Srbija	7.9 c/m	
Hrvatska	samo 4,9 c/m!	
Crna Gora	9.9 c/m	
Makedonija	7.9 c/m	
Zapadna Evropa	1 c/m!	

Hasan Kafija Pruščak: Za nekoga Kant, za nekoga Platon, a on je bio Akhisari el-Bosnevi

Četiri stotine godina nakon njegove smrti, Hasan Kafija Pruščak, sin Turhanov, unuk Davudov, praukunak Jakubov ez-Zibbi el-Akhisari el-Bosnevi (1544 - 1615. godine), ponovo je među svojim Bosancima. Zapravo, on nikad od njih nije ni odlazio, a da je tako svjedočili su i rukopisi Pruščakovi i o Pruščaku koji će do kraja ove godine ukrašavati predvorje Gazi Husrev-begove biblioteke, a koje je za izložbu priredio mr. Osman Lavić.

Zvaničnim njihovim stavljanjem pred oči brojnih uzvanica, naučnika, akademske javnosti, studenata, zaljubljenika u znanje po raznim osnovama otvorena je manifestacija posvećena tim 400 godina djela ovog duhovnog velikana u saviježđu svjetske historije, koji je rođen u Pruscu.

Napisao je u autografu-medžmui, koju smo, takođe, vidjeli na izložbi, a u kojoj stoji: "Čuo sam od moje majke, Allah joj se smilovao, da sam ja, Allahovom dž.š. voljom rođen u petak nakon ikindija-namaza, u mjesecu ramazanu 951. h. za vrijeme vladavine pravednog sultana Sulejmana..."

U grofovoj zbirci

Pruščak je i umro u istom mjesecu, a između ta dva ramazana rasprostro se zanimljiv ljudski život, za čije bi osnovne natuknice bila malo i 1001 noć Šeherezadinog pripovijedanja. No, objasnio je Lavić, oni koji dođu u GHB biblioteku imat će jedinstvenu priliku vidjeti 14 od 17 naslova ovog autora i od 72 njihova primjerka koja se čuvaju u Biblioteci. Na manifestaciji smo čuli i priču o još četiri knjige za koje se s puno sigurnosti može reći da pripadaju Pruščaku, ali i to da je ovaj svestrani čovjek bio i prevodilac, o čemu svjedoči rukopis pronađen u Bolonji, u zbirci grofa Marsilija, kodeks br. 3406. Zna se i to, objasnio je h.fz. dr. Elvir Duranović, da ga je 1599. godine napisao u Istanbulu. Riječ je o djelu iz samopomoći, koje je Kafija poslije odnio u Prusac, kako bi se tamošnji ljudi njime okoristili.

Vrlo rijetko se sazna kako je došlo do nekog skupa, a ovaj je i po tome izuzetak. Dr. Dževada Šuško, direktorica Instituta za islamsku tradiciju Bošnjaka, objasnila je da je prošle godine akademik Enes Karić predložio da se 2015. godine održi manifestacija vezana za Pruščaka, pa da se, što je i učinjeno, promovira knjiga u čijem središtu se nalazi njegovo najpoznatije djelo "Temelji mudrosti o uređenju svijeta", i to na više jezika, čak i na transkribiranom bosanskom turskom. Svi ti prevodi su samo još jedan dokaz koliko je Pruščakova misao odavno cijenjena svuda po svijetu, ali i koliko je bila prije cijenjena izvan BiH nego u njoj samoj. Najmlađi prijepis Kafijinog djela je iz 1926. godine i to onaj Mehmeda Handžića.

"Pruščak je govorio o mentalitetu državnih službenika, o njihovoj inertnosti, nezainteresovanosti spram onoga što su tada bili podanici, a zbog čega je to djelo i danas aktuelno", rekao je novinarima akademik Karić, napomenuvši da on ne smatra da su građani podanici, ali se suština odnosa između vlasti i onih zbog kojih ta vlast postoji od Pruščakovog doba do danas nije promijenila.

Akademika je impresioniralo i to što je Pruščak, u skladu s onim što se dešavalo u njegovo vrijeme (neredi su počinjali po Osmanskoj imperiji, kada se svako proglašavao pravim muslimanom, a svi drugi su bili nepravi, što nam je i ovo poznato?!), pisao o tome da je islam nadasve - vjerovanje srcem i što je dobro procijenio zašto su se počele dešavati neželjene stvari. "Zavladalo je rigidno, tijesno, ledeno tumačenje islama, a uvijek se samo radi o tome da li lažeš Boga ili ne, i svako to od nas sam zna", istakao je akademik, navodeći još jedno Kafijino aktuelno razmišljanje. Jer, posebno na Istoku muslimani danas jedni drugima ruše i džamije, ubijaju se međusobno, dokazujući ispravnost i krivovjernost.

U Boga se vjeruje, Bog se spoznaje

"Za kim se može klanjati? Za svakim ko se okreće Kibli", jednostavan je Pruščakov odgovor, kao i na pitanje kome klanjati dženazu: "Svakome ko je svjedočio Ehli Kibletu", prenio je akademik Karić velikanov nauk, naglasivši da je bio ponosan zbog Pruščakovog inkluzivnog gledanja na svijet, kojim je on još prije 170 godina počeo osvajati evropske znanstvenike, a o kojem je govorio i dr. Hilmo Neimarlija, izdvojivši, pored ostalog i filozofov stav da nema mišljenja u onoga ko je usamljen u mišljenju.

Svi učesnici skupa isticali su upravo aktuelnost djela ovog svestranog naučnika, pa i to da je on hrabro ukazivao na probleme društva, politike, sistema, logike, filozofije, stilistike.

"Svoj džihad je vodio djelom i perom", rekla je dr. Zehra Alispahić, nazvavši ovo okupljanje blagdanom znanja, a akademik Karić naglasio je i vrlo bitnu dimenziju Pruščakovog djelovanja: "Bio je svjestan da se u Boga vjeruje, ali i da se Bog spoznaje".

Kada je za govornicu izašao dr. Adnan Kadrić, direktor Orijentalnog instituta, vjerovatno su mnogi tada pomislili koliko li je rukopisa Pruščakovih ili onih vezanih za njega, izgorjelo u ratnom požaru koji je uništio taj institut, čiji je zaposlenik Hazim Šabanović, podsjetio je Kadrić, još 1969. godine napisao zapaženu studiju o Hasanu Kafiji Pruščaku. Pisali su i mnogi drugi. Neke od njih je spomenuo i reisu-l-ulema Husein efendija Kavazović, podsjetivši i na to da je Pruščaka, za njegovo najpoznatije djelo "Temelji mudrosti...", nagradio sultan Mehmed III doživotnom funkcijom kadije, što se u to vrijeme rijetko dešavalo.

No, prof. Ismet Bušatlić, očito ponosan što je skup posvećen njegovom zemljaku, smatra da je ova funkcija bila i jedna vrsta kazne. "Neko takvog kapaciteta je mogao pomoći osmanskoj vlasti ukazujući na razloge slabljenja države, no, on je poklonjenim kadilukom jednostavno bio maknut", tvrdi prof. Bušatlić, a isto razmišlja i Lavić.

Jer, pored nepravde i korumpiranosti, vlast možda najviše nagrizla to kada se njeni nosioci ne konsultuju s iskrenim saradnicima, nego sa onima koji samo klimaju glavom.

Zažalivši što ima samo deset minuta na raspolaganju (svi radovi će biti objavljeni u Novom Muallimu), dr. Esad Zgodić je naglasio da ga naučni Pruščakov opus odavno fascinira, ali

da on (Zgodić) ne slijedi poziciju historicizma “kada se samo uzme misao koja pripada arheologiji političkih ideja”.

“Prušćaka čitam da bih aktualizirao njegovo djelo”, objasnio je dr. Zgodić, odbacivši tvrdnje da je Prušćak bosanski Makijaveli, te ponukan značajem velikana iz Prusca, naglasio da ne zastupa nikakvu antievropsku poziciju u mišljenju.

“Ali ne prihvatam ni poziciju evropocentrizma, čiji duh danas toliko ulazi u naše mentalitete da sve što dolazi sa Zapada prihvatamo bespogovorno. A nemamo nikakav razlog za osjećaj inferiornosti”, tvrdi dr. Zgodić, nazvavši Prušćaka bosanskim Kantom, koji, živeći u Osmanskoj carevini u doba velikih osvajanja, ipak nikad nije na pijedestal stavljao rat nego mir. “Čak je tražio od vladara da ovaj ne krši mirovne ugovore”, kazao je dr. Zgodić, a hفز. dr. Elvir Duranović je otkrio da se, suprotno od dosadašnjeg mišljenja da GHB biblioteka sadrži jedan Kafijin autograf, sada zna da ih ima dva, a sastavni dio tog drugog je i Prušćakova risala o riječi čelebi. Novopronađenih je 46 Prušćakovih rukopisa, a više od 60 autora istraživalo je ta djela, koja su uglavnom nastajala u samome Pruscu. Za vrijeme Osmanlija ovaj grad nosio je naziv Akhisar.



Uzgređ, čuli smo, uskoro će se i zvanično pobratimiti turski Akhisar i bosanski ili Prusac, a o bosanskom je govorila i dr. Fazileta Hafizović, iznijevši i tezu da je Novo naselje, za koje se smatra da ga je Prušćak osnovao, zapravo današnji Donji Vakuf.

Savremenici sličnih sudbina

Prof. Ismet Bušatlić pojasnio je u kakvom je vremenu živio Prušćak i ko je bio njegov savremenik. Recimo, bio je prvi bosanski munla, Bali efendija, pa Ferhat-paša, graditelj banjalučke Ferhadije, ali i još dvije džamije se podižu za vrijeme njegovog pašovanja u Banjoj Luci, Ibrahim-paša Novošeherlija, carski zet, Lala Mahmut-paša Sokolović...

Prušćakov savremenik je bio i Marko Antonio de Dominis, autor “Crkvene države”.

“Obojica su kritikovala slabosti države i obojica su doživjela sličnu sudbinu.

Prušćak je vraćen u Prusac, a tijelo njegovog savremenika s knjigama je spaljeno na rimskom trgu. UNESCO je De Dominisu posvetio 2010. godinu, a ovaj skup u Gazijinoj biblioteci je nadomjestak toga što se nismo sjetili predložiti da Prušćaku pripadne 2015. godina”, primijetio je dr. Bušatlić.

Zahvalnost i Oslobođenju

“S velikim olakšanjem stojim ovdje”, bila je iskrena dr. Dževada Šuško, direktorica Instituta za islamsku tradiciju Bošnjaka, zahvalivši brojnim pojedincima i institucijama koji su, svako na svoj način, doprinijeli i da se ovaj skup održi i da se izvrši interaktivna prezentacija putem koje će se preko interneta moći učiti i znati o ovom velikom misliocu i da se pojavi knjiga u izdanju Kalema. Navodeći Prušćakovu misao o tome da se temelji dobrog svijeta zasnivaju i na nauci uče-

njaka, pravednosti vladara, pobožnosti i darežljivosti ljudi, dr. Šuško je pomenula i doprinos Oslobođenja osvjetljavanju ove ličnosti.

S kim se konsultovati

“Nikada se ne konsultuj sa škrtim, strašljivim i s pohlepim i to je jedna od Prušćakovih misli”, napomenuo je dr. Omer Nakićević.

Akhisarijeva iznenađenja

“Govorimo o velikom učenjaku, bosanskom alimu, koji tokom svoga života nikada nije prestao učiti, pisati i poučavati tradicionalne i racionalne nauke u medresama, u različitim mjestima. Istanbulske i turske biblioteke su prepune iznenađenja vezanih za Akhisarijev rad. Počeo je pisati 1583., a mnogo je i djela koja mu se pripisuju i još ne znamo da li je on njihov autor. Pisao je i o osnovama islamskog prava, što se koristilo prije svega u medresama u kojima je sam predavao. U 20 kopija širom Turske se nalazi to djelo. U biblioteci Sulejmanija je jedno važno njegovo djelo, čijih je 50 kopija već pronađeno u mojoj zemlji. S obzirom na to da je taj velikan svaki svoj rukopis donosio

sultanu ili velikom veziru, uvjereni smo da ćemo vremenom doći do svih njih”, rekao je, pored ostaloga, turski naučnik dr. Murteza Bedir, napomenuvši da je islamska misao novog vremena ometana radikalnim sefizmom, pa je utoliko korisnije posvetiti se djelima ovakvih učenjaka koja mogu proizvesti neke nove, produktivne i sofisticirane ideje.

Živio i pisao

“Prušćak je živio s temama o kojima je pisao”, kazala je Elvira Dilberović, federalna ministrica obrazovanja i kulture.

Ko je iznevjerio Boga

Podsjetivši na to da će se uskoro navršiti 420 godina od kada je Hasan Kafija Prušćak napisao svoje najpoznatije djelo “Temelji mudrosti o uređenju svijeta”, rektor Sarajevskog univerziteta prof. dr. Muharem Avdispahić je rekao: “Šta je ostalo nepromijenjeno od vremena u kojem je živio Prušćak? Pored ostalog i to da je dobra politika uvijek vezana za pravdu”, navodeći i da je Prušćak ukazivao da “onaj ko na neko mjesto ne postavi onoga koji je kvalitetniji od onoga koji je postavljen, taj je iznevjerio Boga. “Kafijina je i misao da je propuštanje prilika jedna od odrednica nemara, kao i to da tintu i krv treba cijeniti, ali ih ne treba ni žaliti”, podsjetio je dr. Avdispahić, primijetivši da se sve što je Kafija pisao može odnositi na našu svakodnevnicu.

Postio Davudov post 30 godina

“Iako je živio i radio u Istanbulu, on se vratio u rodni Prusac i tamo oformio školu mišljenja, koja je imala uticaj i na puno veće, moćnije sredine tog doba”, naglasio je dr. Zuhdija Hasanović, dekan Fakulteta islamskih nauka u Sarajevu, dodavši da je Prušćak bio izuzetno pobožan: “Kažu da je 30 godina postio Davudov post.”

Prva žena koja je otišla svemir mogla je da se ne vrati

Valentina Tereškova prva je žena koja je otišla u svemir, a s tog putovanja 16. juna 1963. godine se zamalo nikada nije vratila. Tereškova je bila odabrana za misiju prije svega zbog svog ogromnog iskustva u skakanju padobranom, što se na kraju misije pokazalo ključnim za povratak kući.

Do trenutka kada je odletjela u brodu Vostok 6 Tereškova je odradila 126 skokova, što je bilo važno i zbog činjenice da su ruski astronauti pri povratku na Zemlju iskakali iz svemirskog broda i prizemljivali se uz pomoć padobrana.

Tereškova i još četiri žene su se 18 mjeseci naporno pripremala, ali je jedino ona prošla.

U nešto više od 70 sati obišla je Zemlju čak 48 puta. Jedna stvar koju su zaboravili da joj spakuju bila je četkica za zube, zbog koje su se šalili da je veliki propust, a Tereškova je na jednom predavanju ispričala kako se snašla jer je imala ruke, vodu i pastu za zube.

Ali pred kraj putovanja Tereškova je primjetila da se pojavila mnogo veća greška - njen brod je počeo da se udaljava od Zemlje, umjesto da se približava.

"Nedostatak četkice za zube zaista je bila šala u poređenju s greškom u programiranju. Naime, brod je bio progra-

miran za uzlaznu, a ne za silaznu putanju. Počela sam sve više da se penjem umjesto da se spuštam prema tlu. Uspjela sam na vrijeme da javim kontroli na Zemlji šta se događa", ispričala je Tereškova.

Međutim, u Sovjetskom Savezu šezdesetih godina zaposlenima u vladi greške na poslu nisu se lako opraštale, a naročito ne onima koji su radili u ruskom svemirskom programu, koji se u to vrijeme takmičio s Amerikancima.

Dizajner broda Sergej Korolejev zatražio je od Tereškove da nikome, bar nekoliko decenija, ne govori o onome šta se dogodilo na povratku kući.

"Ja sam potom od njega zatražila da osoba koja je bila odgovorna za grešku ne bude kažnjena, jer sam znala da bi bila kažnjena strogo. Taj događaj je bio tajna koju sam čuvala 30 godina", rekla je Tereškova.

Tereškova je zbog lične bezbjednosti morala da skoči padobranom sa visine od nešto više od šest hiljada metara i sletjela je blizu granice Kazahstana, Mongolije i Kine.

Njena misija je bila 12. u ljudskoj istoriji, a ona je bila prva žena. Amerika je tek 20 godina kasnije poslala ženu u svemir



Papirni avion kojim upravlja startfon ima i video kameru

Prva izvedba PowerUp-ovog upravljivog papirnog aviona realizovana je Kickstarter kampanjom još u novembru 2013. godine kada je za tadašnji projekt prikupljeno 1,2 miliona dolara.

Sada se kompanija PowerUp udružila sa stručnjacima za dronove iz kompanije Parrot, kako bi tržištu ponudili novu, unaprijeđenu verziju papirnog aviona s vlastitim pogonom i ugrađenom kamerom. Zato su pokrenuli novu kampanju prikupljanja finansijskih sredstava na Kickstarteru kako bi proizveli PowerUp avion koji sada može da leti na tri načina.

Prvi način korištenja uređaja je tako da korisnik upravlja avionom putem svog startfona te mu se na ekranu mobitela prikazuje slika iz perspektive kokpita aviona prikazana u realnom vremenu. Drugi način upotrebe jeste pomoću Go-

ogle Cardboarda na koje se montira startfon te se tako dobija uvjerljivija slika s kokpita, a avionom se pritom upravlja nagibima glave u smjeru u kojem želite usmjeriti avion. Treći način je letenje s autopilotom, odnosno način u kojem avion leti sam.

Avion može da leti brzinom 32 km/h i da dostigne visinu do 300 metra. Let se može snimiti, a može se snimiti i selfie prilikom polijetanja, te kamera ima mogućnost rotacije kako bi korisnik imao drugačiji pogled "iz kokpita". PowerUp FPV aplikacija dostupna je za Android i iOS startfone.

Trenutno je na Kickstarteru za PowerUp FPV prikupljeno već 275.000 dolara, a cilj je bio postići 100.000 dolara. S obzirom da je preostalo još 48 dana, kampanja je očito odlično počela, pa je očito da će i ovaj projekt PowerUpa biti izuzetno uspješan!



jedna web stranica za sve vaše potrebe
www.bosnianyellowpages.us

BBC: Yugo - posljednji stvarno užasan auto



Prije 30 godina kragujevačka "Zastava" izvezla je prvi "Yugo GV" na američko tržište i ponudila ga kupcima po cijeni od 3.990 dolara

Britanski BBC u tekstu povodom jubileja dolaska "Yuge GV" u Ameriku, piše da se oznaka GV odnosila na "Good Value" (dobra vrijednost), ocjenjujući da je to bila loša marketinška poruka, koja je od samog starta bila osuđena na propast.

U tekstu, koji je u svom stilu naslovio "Posljednji stvarno užasan auto", BBC podsjeća da je za prodor "Yuge" na američko tržište najzaslužniji bio biznismen Malcolm Bricklin.

Sredinom 1980-ih godina je u SAD bilo poželjno da svako posjeduje jeftino i ekonomično prevozno sredstvo, što je Bricklin iskoristio.

Uz pomoć američkih političara Henryja Kissingera i Lawrencea Eaglebugera postignut je dogovor sa jugoslovenskim vlastima i "Yugo" je prvi put Americi predstavljen na sajmu automobila u Los Angelesu 1984. godine.

Da bi mogao da se prodaje u SAD na "Yugu" je moralo da se izvrši oko 500 prepravki.

Iako je automobil zasnovan na "Fiatu 127" sa maksimalnom brzinom od oko 138 km/h (86 milja na sat) u tom trenutku bio najsporiji na američkom tržištu, njegova prodaja je išla munjevito, navodi BBC.

Izvoz je, međutim, 1992. zaustavljen raspadom bivše Jugoslavije i ratom, a BBC podsjeća i da je NATO 1999. bombardovao fabriku "Zastava automobili", navodno pogrešno misleći da je riječ o "Zastava oružju".

"Bomba je, međutim, pala godinama prije toga" i, kako navodi britanski javni servis, "Yugo" je Amerikancima postao glavni predmet šala.

"Mogao bi da udvostučiš vrijednost Yuge, samo ako mu napuniš rezervoar", bila je jedna od šala koja je kružila Americom sredinom 1980-ih.

"Yugo" je bio i "zvijezda" u nekoliko filmova, a jednu od glavnih uloga "tumačio" je i filmu "Ko je ubio Monu".

Iako je bio predmet podsmjeha u nekoliko navrata i u popularnoj emisiji BBC-a "Top gear", britanski javni servis na kraju postavlja pitanje "koliko je Yugo zaista bilo loš?".

Istraživanje koje je 1987. objavio magazin "Popular Mechanics" pokazuje upravo suprotno.

Oko 78 posto vlasnika "Yuge" u SAD ocijenilo je kvalitet svog vozila kao "dobar" ili "odličan", dok je 42 procenta navelo da bi ponovo kupili isti automobil, podsjeća BBC.

"Yugo" se proizvodio od 1980. do 2008. a prodat je u blizu 800.000 primjeraka.

Kragujevačka "Zastava" je u ovaj automobil ugrađivala motore snage 45, 55, 60 i 65 konjskih snaga.

Dacia slavi novi rekord: Isporučeno 3,5 miliona automobila

Na tržištu Velike Britanije, gdje Dacia u svega par godina postojanja niže samo uspjehe, isporučeno je 3,5-milionito vozilo sa značkom rumunskog proizvođača. Vlasnica jubilarnog modela Dacia Sandero Stepway je Jody Panov, kojoj su uručeni ključevi u Dacia zastupništvu u predgrađu Londona.

Ključevi jubilarnog 3,5-milionitog primjerka, metalik crnog modela Sandero Stepway uručeni su u Dacijinom zastupništvu u predgrađu Londona, a sretna vlasnica je gospođa Jody Panov, inače majka dvoje djece kojoj je ovo prvi potpuno novi kupljeni automobil.

Na putovanju u Turskoj, Jodyini roditelji su primjetili mnogo Dacia modela na cesti, što ih je motivisalo da svojoj kćeri predlože da istraži i informiše se u vezi ovih automobila, koji su im se učinili vrijednim pažnje. Nakon posjete Dacia zastupništvu, Jody se vrlo lako odlučila za narudžbu atraktivnog modela Sandero Stepway.

Isporuka jubilarnog modela je ispraćena uz mnogo pažnje i divljenja, budući da je prodaja Dacia automobila na

tržištu Velike Britanije pokrenuta tek 2013. godine, a u ovom kratkom periodu rumunski proizvođač nanizao zavidne prodajne rezultate i stekao brojne simpatije.

Ispunjavajući esencijalna očekivanja kupaca koji traže sigurne i pouzdane automobile sa modernim svojstvima po povoljnim cijenama nabavke, ali i održavanja, Dacia je ostala dosljedna svojim osnovnim obećanjima. Stoga je u postizanju ovog fantastičnog rezultata Dacia još jednom potvrdila uspjeh zahvaljujući provođenju svoje poslovne filozofije.

Za nešto više od 10 godina, Dacia je osvojila preko 3,5 miliona kupaca na tržištu Evrope i Mediterana. Dvije godine nakon potpune obnove game vozila, nastavljen je proces ekspanzije branda. Tokom prve polovine 2015. godine prodaja Dacije je porasla za 10,1%, odnosno prodato je 290.024 vozila. Rast prodaje u Evropi bilježi 5,5 posto ili isporuku 205.436 vozila, dok Dacia u Francuskoj čvrsto stoji na petom mjestu sa udjelom od 5,3 posto u segmentu putničkih vozila. Od 44 zemlje u kojima se Dacia službeno prodaje, čak njih 19 je tokom prvih šest mjeseci 2015. godine zabilježilo rekordne prodajne brojke.



Deen i Dalal će predstavljati BiH na Eurosongu u Švedskoj

Radio-televizija Bosne i Hercegovine (BHRT) objavila je da će na Eurosongu 2016. godine Bosnu i Hercegovinu predstavljati bh. pjevač Fuad Backović Deen i bh. pjevačica Dalal Midhat-Talakić. Na sceni će im se pridružiti violončelistica Ana Rucner.

Eurosong će se naredne godine održati u Štokholmu u Švedskoj, a BHRT je, u roku predviđenom za povlačenje bez finansijskih posljedica, EBU-u (Evropskoj radiodifuznoj uniji) potvrdila učešće.

Dalal je kazala kako je nastup na Evroviziji ostvaranje njenog sna, te da joj je Deen na neki način pokušao da približi kako će izgledati nastup na evropskom muzičkom takmičenju.

“Velika je čast i mogu vam obećati da ćemo iskoristiti te tri minute kako najbolje znamo”, poručila je Dalal.

Autor pjesme kojom će se BiH predstaviti na Eurosongu je Almir Ajanović. Iz BHRT-a su kazali kako će Bosanci i Hercegovci tek u februaru imati priliku čuti pjesmu u specijalnom programu ove televizije.



Deen: Dat ćemo sve od sebe da svi Bosanci i Hercegovci budu ponosni

Bh. pjevač **Fuad Backović Deen** koji će u duetskoj pjesmi s **Dalal Midhat-Talakić** predstavljati našu državu na takmičenju **Eurosong 2016**. kazao je kako može obećati da će **BiH** imati sjajnu pjesmu, svjetski nastup, te da će naši predstavnici izgledati fenomenalno.

Backović je kazao kako ga je iznenadilo to što će ponovo predstavljati Bosnu i Hercegovinu na evropskom takmičenju.

"Jednom kada se popneš na tu scenu pože-liš da se opet nekada vratiš, ali definitivno nisam mislio da će to biti ove godine", rekao je Backović.

On je istakao kako on ove godine nije nosilac projekta nego da je pozvan da učestvuje u projektu.

"Nosilac je Dalal za koju je u principu i napisana pjesma. Njoj je zvučala kao duetska i ona je poželjela da je snimi sa mnom, jer naredne godine obilježavamo punih dvadeset godina prijateljstva. Pristao sam na taj prijedlog, snimili smo i kako smo radili sve je počelo da miriše na Eurosong", rekao je Deen.

On je kazao kako će u odnosu na 2004. godinu sve biti različito s obzirom na činjenicu da je od njegovog učešća na Eurosongu prošlo dvanaest godina.

"Ja sam drugačiji i privatno i poslovno. Idem ovaj put bez kose, bez roze majice i šljokica i uvijanja na sceni. Nalazimo se zajedno u duetskoj pjesmi koja je vrlo ozbiljna i pjevački zahtjevana. I Dalal i ja smo izašli iz svoje zone komfora i našli se u duetskoj pjesmi koja stilski nije bliska ni Dalal, a ni meni", dodao je Backović.

Backović je na kraju kazao kako smatra da će građani Bosne i Hercegovine biti zadovoljni onim što će čuti, a i vidjeti.

"Ne mogu govoriti o plasmanu. Ni 2004. godine nisam razmišljao o tome. Eurosong je nepredvidljiv s te strane. Mi možemo obećati da će BiH imati sjajnu pjesmu, svjetski nastup, izgledat ćemo fenomenalno i dati ćemo sve od sebe da svi Bosanci i Hercegovci budu ponosni te tri minute. Sve ostalo je u božjim rukama", zaključio je Backović.


Hrvatska violončelistica Ana Rucner će zajedno sa **Fuadom Backovićem Deenom** i **Dalal Midhat-Talakić** predstavljati našu državu na takmičenju za najbolju pjesmu **Evrope naredne godine**.

"Volim kvalitetne projekte, a ovo je jedan od njih. Drago mi je što je Deen odabrao Dalal i mene u ovom projektu. Oni će svojim sjajnim vokalima, a ja violončelom, energijom i emocijom učiniti pjesmu posebnom i drugačijom, što je važno za Eurosong", kazala je Ana Rucner.

Dodala je da Deena poznaje već godinama i da joj je poznat njegov jedinstveni i ekstravagantni scenski nastup.



"Dalal doista prekrasno pjeva i bit će to sjajna pjesma. Dat ću sve od sebe da zajedno s Deenom i Dalal dostojno predstavim BiH", dodala je Ana.



BAŽDAREVIĆ: Želim napraviti ekipu s kojom mogu ići u rat!



Mehmed Baždarević i dalje je u okovima ogorčenja. Nakon izgubljene bitke u Dublinu, gdje su kvalifikacije za Euro 2016. neslavno okončane, selektor nogometne reprezentacije Bosne i Hercegovine i dalje rezimira šta se i kako desilo.

No, oni koji ga znaju i kao igrača i kao trenera, znaju da je Meša od onih koje porazi jačaju. Iz intervju-a koji je dao za naš list, jasno je da je, nakon neuspjeha u kvalifikacijama za Euro, koje su, kako mnogi misle, izgubljene i prije nego što je on preuzeo reprezentaciju, još odlučniji da napravi nešto od našeg državnog tima.

Odmah u borbu

- Još sam pun emocija. Odmah bih večeras volio igrati novu utakmicu, baciti se protivniku u stomak, ići u još težu borbu...

Kakvog ste raspoloženja?

- I dalje mi je teško. Zbog sebe, zbog navijača, igrača, vas,

novinara... Dobro smo radili kroz kvalifikacije, ali se moglo završiti bolje. No, ne možemo sada zbog ove dvije utakmice baciti ljagu na sve ono što smo radili u osam mjeseci. Da nas je neko nadigrao - nije, nadmudrio - nije, ali pobijedio jeste. I to borbenošću koju mi u datom trenutku nismo imali.

Koliko u sebi vidite krivca za neuspjeh?

- Znate kako to ide, čovjek se uvijek pita je li trebao ići sa dva špica, dva defanzivna vezna... Da li sam pogriješio? Naravno da se krivim! Svi smo odgovorni za ovo. No, pedantno smo prostudirali Irsku, najbolje što smo mogli. Naši igrači znali su i ko je od Iraca oženjen, a ko nije. Sam sam sebi rekao, samo da nas ne dobiju agresivnošću i borbenošću... Nažalost, upravo se to desilo.

Imali smo koncepciju. Držali smo loptu, ali je nismo koristili u posljednjih 20 metara, gdje je najviše trebalo. Oni su tri puta šutnuli na gol i zabili tri gola. Toliko povreda i igrača koji su nastupili pod injekcijama, sudije koje nisu bile na ni-

vou, prvi meč u magli, penal u drugoj, previše grešaka... Sve su to sitnice koje utiču na konačan rezultat. Nije ovo nikakvo opravdanje, to su argumenti.

Da se sada možete vratite za sedmicu, znate li šta biste mijenjali?

- Da igramo ponovo, možda bih promijenio jednog igrača.

Javnost smatra da je nekoliko fudbalera zrelo za otpis. Jeste li Vi tog mišljenja?

- Imaju razloga da to govore, ali zašto to pitanje nisu postavili nakon pobjeda nad Izraelom i Kiprom? Moj stav je uvijek isti, ova ekipa se treba renovirati. Ali, kako je renovirati kada je u kvalifikacijama svaka utakmica bila na život i smrt? Jedini je cilj bio ostati živ, nije bilo prostora ni za kakve veće promjene.

Spominjali ste u nekoliko navrata da nas je koštao mentalitet. Možete li ga promijeniti?

- Mogu ga pokušati poboljšati. Hoću da u ekipi imam ratnike, momke s kojima mogu ići u rat. Ove fudbalere, s kojima sam radio u ciklusu, moram pohvaliti, jer su dali sve od sebe. Svi smo krivci što nismo ovo izgurili do kraja, ali sada nam trebaju osvježnja i promjena u mentalitetu.

Koga ćete otpisati iz ovog tima?

- Sigurno će ih biti, ali to još ne bih govorio. Hoću da ovo prođe, da napravimo analizu i vidimo koliko je ko napravio.

Puko preživljavanje

Šta je sa Spahićem? Čini se da je on najzreliji za otpis?

- Bezobrazno je igrače otpisivati preko novina. Sve ćete znati na vrijeme.

A je li, možda, neki od igrača najavio oprostaj, rekao da više neće ili ne može?

- Nije, niko.

Imate li sada viziju koji su to fudbaleri koji bi mogli predstavljati takozvanu soježu krv u timu?

- Pa vidjeli ste da je na posljednjim spiskovima bilo dosta novih igrača. Znači, ima ih. Skautirali smo ih mnogo i ima tu fudbalera koji se do sada nisu spominjali. Ali, neću sada o njima.

Šta namjeravate u narednih desetak mjeseci do početka narednog ciklusa?

- Vremena ima dovoljno, ali ga ne smijemo gubiti. Za mene kvalifikacije počinju u sutra... Želim što prije znati s kim i s čim idemo u ciklus. Viziju imam, a to je - Meša sa svojim idejama. Ali, 100 posto! Ovo do sada nije bilo ništa moje nego nužni kompromis, puko preživljavanje tokom kojeg nije bilo prilike da uводим ništa novo i ništa svoje. Sada idemo novim pravcem, s novim imenima i novim pristupom. Novi program, ali potpuno moj i samo moj! Kome odgovara, neka se pridruži, a kome ne... neka ide.

U martu sa Švicarskom?

Kruže glasine da ćemo u martu igrati sa Švicarskom?

- Bilo bi to dobro. Nadam se da ćemo do jeseni sljedeće godine imati što više jakih prijateljskih utakmica kako bismo isprobali što više igrača i varijanti.

Kritike da, nebuloze ne

Bilo je dosta kritika nakon utakmice u Dublinu na svačiji račun. Kako ste ih podnijeli?

- Ko god kritizira, neka kritizira. Sve poštujem i priznajem, ali ako je argumentirano. No, nebuloze nisu kritike, a bilo ih je. Blaž Slišković postavlja pitanje ko je taj Francuz koji radi za mene. Isto kao da ne zna da je čovjek bio u Fulemu, Monaku, da je 12 godina radio u Francuskoj... Ili Ćiro Blažević, koji pita gdje sam to ja radio prije ovoga... To nisu kritike nego nebuloze koje me ne zanimaju.

Nije Edin jedini kopao, ali ostali nisu mogli mnogo

Na društvenim mrežama ovih dana je objavljena zanimljiva ilustracija kako Džeko kopa, a ostali gledaju. Jeste li je vidjeli?

- Nisam. Shvatam, ali ne mogu to komentirati. Edin je pokazao da je izrastao u pravog vođu i lidera. No, ne bih rekao da je jedini kopao. Borili su se i drugi, a koliko je ko mogao kopati, to je drugo pitanje. Svi su zajedno bili na brodu i glupo je okrivljavati pojedince. Zajedno smo kupili plodove i zajedno gubili. A o Edinu mogu reći samo najbolje.



Problemi tokom snimanja:

12 fascinantnih činjenica o nastanku filma "Spectre"

Novi film o Jamesu Bondu "Spectre" prikazan je premijerno nedavno i već osvojio srca publike i oborio rekorde na kino blagajnama. Ovo nije neočekivano s obzirom na to da je u ovaj 24. film o slavnom špijunu uloženo milione dolara.

Ulice poznatih metropola su bile zatvorene kako bi scene bile snimljene, a Bond nas je proveo širom svijeta. No, snimanje nije proteklo "kao mlijeko".

Donosimo 12 fascinantnih činjenica o nastanku "Spectra":

1. Bez štednje novca

Spectre je najduži od svih Bondovih filmova (2 sata i 28 minuta), te je imao najveći budžet od svih filmova do sada. Dok je na "Skyfall" potrošeno 200 miliona dolara, u "Spectre" je uloženo 250 miliona dolara. Ušao je u 10 najskupljih filmova ikada rame uz rame sa filmovima "Harry Potter And The Half-Blood Prince", "Pirates of the Caribbean: On Stranger Tides" 378.5 miliona dolara) i "The Hobbit: The Battle Of The Five Armies" (250 miliona dolara).

2. Povrijeđeni heroj

Nije lako biti James Bond, što je shvatio i Daniel Craig. Početkom ove godine odvezen je sa seta na operaciju koljena koje je povrijedio. Snimanje "Spectra" je pauzirano samo na dvije sedmice, jer se ova britanska zvijezda zainatila. Craig je odlučio da premijera ne smije kasniti, stisnuo je zube i nastavio snimati. No, nije to bila jedina povreda.

"Zadobijem povrede svaki dan. Namještali su mi rame, oba koljena operisali, a moji palčevi me bole", rekao je.

3. Luksuzni automobili dizajnirani i napravljeni samo za Bonda

Aston Martin obilježio je 50. godišnjicu sa Bondom sa nevjerojatnim DB10 automobilom koji je namijenjen samo za snimanje ovog filma i nije na prodaju. Napravljeno je 10 automobila od kojih je osam korišteno u filmu, a dva na promocijama.

4. Sudari i eksplozije koje su po troškovima oborile sve rekorde

Automobili u vrijednosti od 34 miliona dolara uništeni su tokom snimanja "Spectra", a među njima je i sedam Aston Martina DB10. Većina ih je uništeno na ulicama Rima i u Austriji.

5. Snimanje videa za audiciji u kuhinji

Meksička glumica Stephanie Sigman, koja se pojavljuje u ulozi Estrelle tokom Dana mrtvih na početku filma, dobila je ulogu impresionirajući Mendesa sa bizarnom audicijom koju je snimila u kuhinji.

"Dobila sam kameru i snimila sam audiciju u kuhinji s prijateljem. Uradila sam ono što sam mislila da je ispravno i onda su me oni nazvali nakon mjesec dana te rekli da se Mendes želi naći sa mnom u Mexico Cityju", kazala je Sigman.

6. Sreća iz drugog puta za Leu

Nova Bondova djevojka Lea Seydoux koja glumi Madeleine Swann, izabrana je tek iz drugog puta. Na prvog je bila



pripita, zaboravila je tekst i bila je rumena u licu. Doživjela je potpuni neuspjeh.

"Nakon toga, pitala sam da li mogu dobiti drugu šansu. Kazali su mi da Sam Mendes želi da se sretnemo u njegovom uredu u Londonu. Mislim da sam mu se zaista svidjela", rekla je glumica.

7. Veličanstveni Mexico

Početak "Spectra" odvija se na Dan mrtvih u Mexicu. U snimanju scene učestvovalo je 1.520 dodatnih statista koji su napravili masu na trgu Tolsa i Zocolo. Svako od njih nosio je unikatan kostim, a na njihovoj pripremi radilo je 100 make-up artista. Za ovu scenu pripremalo se pet mjeseci, a trajala je samo pet minuta.

8. Muzika je napravljeno brzo

Bondove filmove ne možemo zamisliti bez muzike. Samu Smithu trebalo je samo 20 minuta da je napiše i "One The Wall" se svima svidjela.

9. Zatvaranje glavnog grada

Iako je riječ o globalnom filmu, veći dio "Spectra" je snimljen u Londonu uz Temzu i zgradi MI5. Veći dio dijelova Londona bio je zatvoren kako bi se snimile scene. Ulice su bile pune dima, krhotina od uništenog helikoptera, te krvavih glumaca.

10. Umalo bez Waltza

Christoph Waltz, koji je utjelovio Bondovog neprijatelja Franza Oberhausera, bio je poprilično neodlučan da li da prihvati ulogu u filmu. Pristao je nakon dugotrajnih pregovora.

"Stvar u vezi filma 'Spectre' je da ga ne pišu komercijalni pisci i nema komercijalne režisere. Glumci nisu amateri s lošom šminkom", rekao je.

11. Bez snijega u Austriji

Kada su snimane scene u blizini jezera Altaussee klima je bila topla i nije bilo snijega. Dakle, morali su ga napraviti. Utrošeno je 400 tona lažnog snijega kako bi scene bile snimljene na planinama koje oduzimaju dah.

12. Poteškoće u pustinji

Lokalni nomadi i članovi plemena bili su uposleni kao vodiči i sigurnosni čuvari tokom snimanja dijelova filma u Sahari. Jednog poslijepodneva snimanje je bilo otkazano, jer su temperature prelazile 50 stepeni. No, najbolji dio scena je taj što je epohalna eksplozija u Sahari ušla u Guinnessovu knjigu rekorda kao najveća eksplozija u filmu ikada.

Tina Turner proslavila 76. rođendan



Tina Turner, jedna od najvećih muzičkih zvijezda koja je obilježila 20 stoljeće, proslavila je 76. rođendan.

Objavila je deset albuma i snimila desetine hitova, među kojima su pjesme "Private Dancer", "Proud Mary", "I don't Wanna Lose You" ili duet sa Erosom Ramazzottijem "Cose della vita".

Tina je poznata kao najbolji ženski rock and roll izvođač. Trenutno živi u Švicarskoj, a udata je za Erwina Bacha. Njeni fanovi koji joj žele čestitati rođendan na Twitteru koriste hahstag #TinaTurns76.

Michael Caine najbolji živi glumac



Michael Caine je najveći i najbolji živi glumac. Ovo je ishod ankete koju je proveo britanski magazin Shortlist, a Michael Caine (82) je, kaže, i više nego polaskan.

- Lijepo je što sam im pao na pamet. Kad se samo sjetim da sam umalo odustao od glume. Bilo je to prije 20 godina i Jack Nicholson me je uspio nagovoriti da ipak izađem pred kameru, rekao je Michael Caine.

Glumac je mislio je da za njega više nema dobrih uloga, te se tada preselio u Miami. Ali se ispostavilo da je pogrešno mislio.

Magazin People:

David Beckham je najseksi muškarac na svijetu

Prema izboru magazina People bivša nogometna zvijezda David Beckham je najseksi muškarac 2015.

Opisali su ga kao globalnu superzvijezdu, odanog supruga i oca s obje noge na zemlji.

- To je velika čast. Nikada se nisam osjećao kao atraktivna i seksi osoba, priznao je 40-godišnji David.

David je u braku s modnom dizajnericom Victoriom Beckham već 16 godina i zajedno imaju tri sina i jednu kćer.

- Želio bih zahvaliti mojim roditeljima koji su me donijeli na ovaj svijet. I želio bih zahvaliti svom frizeru, stilisti i Photoshopu, istakao je najseksi muškarac na svijetu.



**OVAN** (21.03 - 20.04)

Ljubav: Ukoliko ste u braku, pred vama je dobar ljubavni period.

Zdravlje: Ukoliko vas stres ne sagori, onda će sigurno nervoza.

**BIK** (21.04 - 20.05)

Ovog mjeseca novac diktira raspoloženje.

Ljubav: Ukoliko ste u mirnoj i stabilnoj ljubavnoj vezi, ne očekujte veće turbulencije.

Zdravlje: Koristite nešto za jačanje imuniteta.

**BLIZANCI** (21.05 - 20.06)

Ljubav: Ova riječ za vas lagano prelazi u domenu prošlosti.

Zdravlje: Manja nervoza početkom mjeseca čini vas podložnim negativnim mislima.

**RAK** (21.06 - 20.07)

Ljubav: Trenutno ste najviše interesiranja usmjerili upravo na finansije i posao, pa je ljubav malo po strani. Zdravlje: Tromiji ste nego inače i manjka vam energije.

**LAV** (21.07 - 21.08)

Imate dovoljno neprijatelja koji jedva čekaju da napravite pogrešan korak.

Ljubav: Dovoljno ste zavodljivi i poželjni za suprotan spol. Zdravlje: Dobro.

**DJEVICA** (22.08 - 22.09)

I dalje čvrsto stojite na poziciji. Saradnici su se uvjerali u vaše kvalitete.

Ljubav: Partner je nekako došao na drugo mjesto. Zdravlje: Očekujte glavobolju.

**VAGA** (23.09 - 22.10)

Vama je zaista krenulo. Nižete uspjeh za uspjehom. Ljubav: Ljubavni život pomalo trpi zbog drugih stvari kojima ste okupirani.

Zdravlje: Izvrsno.

**ŠKORPIJA** (23.10 - 22.11)

Iako vam se radno mjesto čini kao poprište borbe, uživat ćete u nekim od zadataka.

Ljubav: Očekujte lijepe trenutke.

Zdravlje: Zdravlje je prilično ugroženo.

**STRIJELAC** (23.11 - 20.12)

Ako je vaš posao na neki način povezan sa inostranstvom, očekujte da ćete imati buran mjesec.

Ljubav: Ukoliko ste u vezi, morat ćete partneru objasniti neke stvari. Zdravlje: Odlično.

**JARAC** (21.12 - 19.01)

Posao koji obavljate bi u narednom mjesecu mogao biti manji nego inače.

Ljubav: Oni koji imaju stalnog partnera mogu očekivati prijatne trenutke. Zdravlje: Čuvajte se.

**VODOLIJA** (20.01 - 18.02)

Ljubav: Podredili ste sve partneru kojem ste sad jako potrebni.

Zdravlje: Isviše ste umorni i to je ono što je najveći problem u toku ovog mjeseca.

**RIBE** (19.02 - 20.03)

Ljubav: Neki od vas će u ovom periodu intenzivnije razmišljati o potomstvu.

Zdravlje: Ovog mjeseca ćete nastojati da poradite na svom izgledu.

Mala riznica velikih misli



Leonardo da Vinci (1799 - 1850)

Slikar koji ne sumnja u svoje sposobnosti malo postiže.



Winston Churchill (1874 - 1966)

Ovo još nije kraj. Nije čak ni početak kraja. Ali je možda kraj početka.



Buda (560 - 480 p.n.e.)

Neko može pobijediti hiljadu ratnika na bojnopolju, ali se ne može mjeriti sa pobjednikom koji je sama sebe pobijedio.



Johann Wolfgang von Goethe (1749 - 1832)

I najmudrije ribe glad tjera na udicu.



Mahatma Gandhi (1869 - 1948)

Nenasilje je stavljeno na probu onog trenutka kada mu se neko suprotstavi silom.



Honoré de Balzac (1799 - 1850)

Život muškarca je slava, život žene ljubav.



Ivan Cankar (1876 - 1916)

Lijepa je noć čovjeku koji zna da će svanuti dan.

Oxford Univerzitet napravio listu najsmiješnijih viceva na svijetu

Naučnici sa Oxford Univerziteta napravili su listu najsmiješnijih šala i viceva zbog koji su mnogi doslovno plakali, ali od smijeha. Evo i nekoliko najsmiješnijih.

Puž

Dok je momak sjedio kući, neko mu je pokucao na vrata. On otvara vrata i vidi puža na trijemu. Podiže puža i baca ga koliko može. Tri godine kasnije, neko mu je ponovo pokucao na vrata. Otvara vrata i ponovo vidi istog puža, a puž će mu na sve to: "Koga si ti to bacio, je li?"

Duh

Tri momka nasukala su se na pustom ostrvu i odmah ugledala magičnu lampu u kojoj je duh, koji će im ispuniti po jednu želju. Prvi muškarac je želio da ode sa ostrva i vrati se kući. Drugi muškarac je želio isto, dok je treći rekao: "Usamljen sam. Želim da se moji prijatelji vrate nazad".

Prava ljubav

Svjetsko prvenstvo je, a jedan muškarac je tražio slobodno mjesto odmah do terena kako bi mogao sve lijepo da vidi. Kada je sjeo, primjetio je da je sjedište pored njega prazno. Nagnuo se i upitao dečka koji je sjedio sa druge strane da li neko ipak sjedi tu, na šta mu je on rekao da niko ne sjedi. Mladić nije mogao da vjeruje da je sjedište prazno i prokomentarisao da ne može da vjeruje da je svjetsko prvenstvo i da niko nije sjeo tu. A onda se opet uključio dečko: "Pa to mjesto je zapravo moje. Trebalo je da dođem sa suprugom, ali ona je preminula. Ovo je prvo Svjetsko prvenstvo od kad smo se vjenčali, a da nismo zajedno". "Oh, pa žao mi je to što čujem, to je strašno. Ali zar niste mogli da pronađete nekog dugog, rođaka, prijatelja, komšiju kako bi sjeo na to mjesto", upitao je znatizeljni muškarac, na šta mu je on odgovorio: "Ne, svi su na sahrani".

Kašnjenje

Jedan momak zakasnio je na posao, a kada ga je šef ugledao odmah je počeo da viče na njega zato što kasni. "Trebalo je da budeš ovde u 8 i 30", na šta mu je radnik odgovorio: "Zašto? Šta se desilo u 8 i 30?"

Raj na zemlji

Sid i Irv su poslovni partneri. Oni su napravili dogovor da ko god prvi umre da će kontaktirati živog kada ode na onaj svijet. A, Irv je taj koji prvi umire. Sidu se njegov prijatelj godinu dana nije javio, tako da je pomislio da zagrobni život i ne postoji. Ali iznenada, Sid prima poziv. To je Irv. "Znači postoji zagrobni život. Kako izgleda?", pita Sid. "Pa,

spavam do kasno. Ustajem, imam obilan doručak. Onda imam seks, puno seksa. Onda se vratim na spavanje, ali se probudim kada je vrijeme za ručak i onda imam veliki ručak. Onda malo seksa, pa malo odspavam. Slijedi onda obilna večera, nakon čega imam puno, puno seksa. Zatim, odem na spavanje i probudim se sutradan", rekao je Irv. "O, moj Bože. Dakle, tako je na nebu?", dodaje Sid. "Oh ne, ja nisam na nebu. Ja sam medvjed u Yellowstone parku", ističe Irv.



Đavo

Umire momak i odlazi u pakao. Đavo ga upoznaje, pokazuje mu vrata od tri sobe i kaže mu da mora da izabere jedna gdje će provesti vječnost. U prvoj prostoriji ljudi su u zemlji do guše, na šta će momak: "Ne, daj da vidim sljedeću sobu". U drugoj prostoriji su ljudi u zemlji do nosa. Opet mu se to nije svidelo i želi da vidi treću sobu. Đavo mu naravno otvara vrata od treće sobe gdje ljudi stoje u zemlji do koljena, piju kafu i jedu kolače. Kada je momak to ugledao rekao je Đavo da želi tu treću sobu. Đavo naravno ispuni njegovu želju i dok je odlazio poviknuo je: "Dobro je, gotova je pauza za ručak. Svi nazad na vaše glave".

Trka

Šumom su šetala dva kampera, kada se odjednom ispred njih pojavio ogroman mrki medvjed, koji ih je odmah spazio. Prvi kamper baca svoj ranac, uzima patike i stavlja ih na noge, dok mu drugi kaže: "Šta to radiš? patike ti neće pomoći da pobjegneš od medvjeda", na šta drugi dodaje: "Nisam obuo patike da bi prestigao medvjeda, već tebe".

su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

8	7	9	2	1	3	6	5	4
6	1	4	9	8	5	7	2	3
3	2	5	7	6	4	9	8	1
1	3	6	8	4	7	5	9	2
9	8	2	3	5	6	1	4	7
5	4	7	1	9	2	3	6	8
7	6	3	4	2	9	8	1	5
4	9	1	5	7	8	2	3	6
2	5	8	6	3	1	4	7	9

				9		3		
6		2						
					7	2	6	4
							1	5
	3		8		4		7	
2	8							
9	7	3	5					
						1		6
		1		3				

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
[] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



Kćerka uzbuđenim glasom govori majci:

- Mama, dečko me zaprosio, ali ne znam šta da radim ... nije me čestito ni upoznao...

- Udaj se kćeri, udaj! Ne čekaj da te upozna!



Jesi li čula da je našeg dimnjačara pre-gazilo auto?

- Strašno! Više nismo sigurni ni na krovu!



Za vrijeme ručka pita mali Perica tatu:

- Tata, zašto si ti oženio mamu?

Tata ljutito ustaje od stola pa kaže:

- Vidiš, ženo, ni malome nije jasno!



Odlučio Mujo promijeniti tapete u stanu, i sjeti se da je Haso, koji živi u stanu iznad njegovog, mijenjao tapete prošle godine. Stan je isti po veličini, pa ga ode pitati za savjet.

- Je li, bolan, Haso, ti si prošle godine mijenjao tapete?

- Jesam, Mujo, jaranel!"

- Pa koliko si rolni kupio?, pita Mujo.

- Dvadeset, kaže mu Haso.

Ode Mujo u prodavnicu, kupi dvadeset rolni tapeta, počne lijepiti, izlijepi cijeli stan i ostane mu osam rola. Ode opet kod Hase i navali s vrata:

- Ti mi, Haso, reče da si kupio dvadeset rolni tapeta!

- Jesam, Mujo.

- Ali meni je ostalo osam rolni!

- I meni.



Oženio se Mujo... Veli njemu Fata:

- De, kad si na nogama, pristavi kahvu, pa:

- De, kad si na nogama, zaspi kahvu, pa opet:

- De, kad si na nogama, posluži nas..., i opet:

- De, kad si na nogama, naloži vatru...

Konačno Mujo sjedne, a Fata se nešto digne sa stolice, a Mujo će njoj:

- De, dok si na nogama, vrati se svome babi.

vicevi

MALI OGLASI

Europa magazin Vam nudi besplatne privatne male oglase do 20 riječi.
Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodajem dvosoban stan u Tuzli
66m2, Brčanska malta .Cijena
85000KM, Tel 011387-61-729
631,011387-61-481-644

Prodajem kuću sa dvosobni stanom
62m2 i sa poslovnim prostorom
32m2 u centru Zenice. Vlasništvo
1/1. Cijena 90.000 KM.
Tel: 011387-66-266-080

Prodajem livadu 1/1, 1200m2
Kačuni-Busovača, put, struja, rijeka
moguće sve djelatnosti i parcelna
prodaja. Tel: 605 413 8669

Izdajem trosoban stan u Lawrence-
ville-u, Ga 30046 Nazvati od 12-6.
Tel: 678-793-5400

Izdajem kuću sa 4 sobe ,2 kupa-
tila u Lilburnu, GA 30047. Parkview
Cluster. Tel: 404 425 3400

Prodaja

Prodajem kuću u Ugljeviku, 200m2
vrlo povoljno. Kuća se nalazi u
centru Ugljevika. Tel: 206-383-5981
ili 011387-65-658-516

Prodajem zemljište u Dobrim
Vodama, Bar blizu plaže sa
građevinskom dozvolom, 226m2.
Cijena po dogovoru.
Tel: 718 545 7783

Izdajem trosoban stan u Sarajevu
(Alipašino Polje, "A" faza) na
vremenski period od 2-5 godina.
Tel: 314 488 1798

Prodajem dvosoban stan od 50
m2 u Zenici (Crkvice 35), 8 sprat
u vidjenom stanju. Vlasništvo 1/1.
Cijena 60.000 km u neto iznosu.
Tel: 011 387 32 227 865 (Zenica) ili
904 733 0813 (Florida).

Prodajem kuću na sprat 117m2
u Novom Travniku, centar grada.
Mali poslovni prostor. Cijena po
dogovoru. Tel: 01149 703 123 5002

Prodajem stan u centru Zenice sa 2
balkona, potrebna adaptacija. Cijena
po dogovoru. Tel: 718 545 7783

Razno

Imam 59. godina. Živim na Floridi.
Htio bih upoznati ženu 55-60
godina starosti. Tel: 727-564-6714

Upoznao bih ženu, bosanku, staru
do 60. godina radi druženja.
Tel: 314-484-5049

Sigurno i povoljno čuvanje Vaše
djece, Lawrenceville.
Tel: 404-819-3419

Prodajem harmoniku Dallape.
Tel: 727-333-1317

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA -

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine
ISSN 1939-3423
Address: P.O. Box 867
Lawrenceville, Georgia 30046-0867
United States of America
Phone: +1 (678) 743 5731

Europa

E-mail: editor@europamagazine.info
www.europamagazine.info

Issued: monthly

Editor-in-chief: Haris Delalić
Senior Photographer and Graphic De-
sign Manager: Dan Dalibor Spalat
Graphic Design: Aldin Ajanovic,
Internet Presentation: Damir Setkic
Freelance writer Europe: Milan Pekić
Community: Enes Selimović
Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina
BosnaTV
bosnatv.com
USA/Kanada 1.800.771.0790

 **FASTV**
www.fastv.com
1-866-639-8911

EMC CARGO

WWW.EMCCARGO.COM




 **\$1.290**

AUTOMOBIL

 **\$1.390**

SUV/VAN

 **\$690**

MOTOR

 **\$790**

JET SKI/ATV

 **\$99**

PAKET

 **od \$100**

NAMJEŠTAJ
(po komadu)

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271